


~~40. 114.~~
Ba. 76.









Bergkordnung

mit etzlichen vil neuen artic-
keln. welche die alden rsum
teyle auff heben vñ rsum teyle
deuten vnd ercleren.

Cum privilegio ut sequit̃.

[Faint, illegible text, likely bleed-through from the reverse side of the page]

**KOEN. FRIED.
UNIVERS.
ZU HALLE**

[Faint, illegible text, likely bleed-through from the reverse side of the page]





On gots gnaden wir Georg hertzog zu Sachsen Lantgraff in Doringen vnd Marggraff zu Meyssen an dissem vnserm briue vor allen desselbigen ansichtigē bekennen vñ thun kundt. Nach dem vnd als wir vorschiner czeit mit reyssem vñ tieffem vorgehaltenem Rathe zu erhebung vnd furderung vnser bergkwerck auff sant Annaberger vnd an andern vmbliegenden ortern / auch der ienigen so dy selbigen Bergkwerck bawen / eyne bergkordenung auffgericht / dieselliche in druck brengen / vñ offentlich haben außgehen lassen. Vnd nuemals angezeigte bergkordenung vnd derselbigen exemplar fast vortubret / also das sy schwerlich meher czubekömen. Auch mitler czeit auff erforderung der notturfft vber berurte ordenung etzliche vil narwe artickel geordnet / welche czum teyle dy alden auffheben / vnd czum teyle dewten vñ ercleren. Also das eynem yden bergkmāne hochlich vō noten solche bergkordenung czuhaben / damit er sich darnach richten / seinen nutz vud frömen suchen / vnd vortschaden vorwarē moge / Vnd so wir dan dy bergkwerck / auch alle dy ienigen so dyselbigen bawen / vnd was zu yrer furderung dienende / mit besondern gnaden czufurdern gneigt. Das wir besolhen habē / dyselbige alde bergkordenung / sampt den newen artickeln / so wie berurt / mitler czeit gemacht vnd geordnet / in ein buchlein czusammen czubringen / vñ mit kurtzen summarien auff das manneynen itzlichen artickel seins inhalts so vil basz czunormergken / drucken czulassen. Auff das aber democh dy ienigen den wir dis thun besols

hen / dadurch in schadenn adder nachteyl nicht
mochten gefurt werden. Haben wir auch vorord-
dent. Als wir dan hirmit in crafft dis vnser bils
ues vororden / vn̄ ernstlich gebieten / das sich vber
dy so des von vns sunderlichē befeh̄il haben / key-
ner in vnsern lāden vnd furstenthumben vō dato
innewēdig den nechstuolgēden czeihen iare solche
vnser bergkordenung czu drucken / adder auch die
selbigen an andern enden gedruckt / in angezeigte
vnsern furstenthūben vnd landen czufuren / vnd
daselbst czuorkauffen / vnderstehē sal / bey vorlust
der Exēplar vn̄ pene drey hūdert Reynischer gul-
den / welche vns dy vbertretter die helffte in vnser
Lāmer / vnd die ander helffte den ienigen so wir
dise ordenūg drucken czulassen befolhen habē. ane
alle nachlossung sollē vorkfallen sein. Gebieten hir
auff allen vnd itzlichen vnsern Grauen / freyen
herren / Rittern / Edelleuten / vorwesern / haubt-
leuten / amptleuten / schoffern / Bleytzleuten / bur-
germeistern / Richtern Rethen der stette vn̄ fleckē
auch allen vnsern vnderthanen vnd vorwandten
wes stands / wurde adder wesens dy sein / dise vn-
ser befreyhung der bergkordenūg wie vornelot /
czuhaldē / czuschutzen vn̄ hanthabē / auch dy vber-
tretter der selben vmb yre vbertrettung. wie ob-
berurt. In straff czunemē / vn̄ dy angezeigte peen
von yne czufordern / einzubringen / vnd vns vnd
den vnsern / dene wir dye czugestellt / czu vberant-
wurten / vnd dem nicht anderst thun. Daran ges-
schieht vnser ernste meynung. Geben czu Dresden
vnder vnserm auffgedrucktem Secret. Donner-
stag nach Innocentū. Anno zc. M. ccccc. xx.



Der erst artickel.

Ir Beorg von gots
gnaden Hertzog zu
Sachssenn Lant &
graff in Doringen
vnd Marggraff zu
Meysszenn. Thun
kuntt allermeinigs
lich. So als der als

mechtig got on czweyfel / aus sunderlicher gnadt /
czu merung seins ewigen lobes. vnd vil menschen
czu besserung / in kurtz vergangner czeit / einn new
Bergkwerck vff vnd vmb sant Annaberg verligē
vnd mit mergklichem nutz ereuget hat / daraus
hoffsch ist / wu solchs mit gutter regirung vorsehe.
vñ fleissig bestalt wirt / noch hinforder gots gnadt
meher erscheinen / vnd vil guts daraus eruolgenn
werde / welichs wir vns / als furst der lande / dar
inne bemelt bergkwerck gelegen. vñ begriffen ist /
nach vnserm vermogen czufurdern schuldig erkē
nen / vnd ap wir wol czuuoꝝ / vff gemeltem vnserm
bergkwerck mancherley ordnung / czu nutz vnd
notturfft gemeines bergkwercks / gestellt. So ist
es doch mit rechter ordnung / nicht zusanne pra
cht. Auch noch mancherley czuuerorden notturft
tig befunden. Darumb wir mit guter betrachtung
vñ czeitigem rath / vorige vnser ordnung / mit czim
licher vnd nutzlicher vorbesserung / in andern form
haben stellen / die in druck bringen lassen. Vff das
yderman. dem es nodt / ader nutz werdenn mag /
solcher vnser ordnung vnderricht bekōmen / vnd
sich allenthalbenn darnach richtenn moꝝe. Auch

A iij

sich nymandt in mißbrauch der selbenn / der vns
wissenheit czuentschuldigen habe.

Der.ij. artickel. wie vil amptleute auff
dem berge sein / sollen / vnd ane sunder
liche laube vom berge nicht reysen.

Vnd vff das gemeinem Bergkwerck / wol
vnd nutzlich vorgestanden / vnser ordnung / in
nachuolgenden artickelen / vleyssig vnd vest gehal
den / vnrecht gedempfft vnd gestrafft / gemeiner
nutz gefurdert / ydermā sich bemelter bergkwerck
gebrauchēde / geburlicher schutz fried vñ gerech
tigkeit / geleist werde / haben wir vff gemelt bergk
werck / einen tuglichen heuptman an vnser stadt /
darczu einē Bergkmeister acht geschworne bergk
vorstendige man / czwene zehendner / czwen hut
ten reytter. Eyn aufsteyler / einen Regenschreiber /
vnd bergk schreiber / gestellt. Auch gericht vñ recht
in bergk vnd andern sachen czubekomen verordēt
vnd was itzlichem czuthun geburt / vnd eingebun
den ist / wirdt sich aus nachuolgenden artickeln
clerlicher befindenn / vnd sollen der selbig vnser
amptmann / ane vnzere laube die andern obbes
stimpften amptleute / alle schichtmeister vnd stey
ger / ane vnser heuptmans czulassung / nicht vom
berge reysen / den auch ane mercklich vsach nicht
salerleubet werden.

Der drit artickel. von des
heuptmans ampte.

Nomina
officialiū.

Ezum erstenn/sal vnser heuptmann/an vnser stad vleißigk auff sehen/das frledt gerechtigkeit/vnd diese vnser ordnung vnuerbruchlich gehalten/aller betrieg bosshheit vnd vnrecht abgewendt/vnd wu es befunden/mit ernst gestrafft/gemeynes bergkwercks/vnd aller menschen/sich des gebrauchende/nutz vnnnd fromenn gefurdert werde/vñ sal mit allen andern obbemelten amptleuten vnd verordenten/des gleichen mit allen der stad sant Annabergk/vnd ampts doselbest verwandten/vnd yeder man czum bergkwerck gehorende/von vnsern wegen czu schaffen/czugebieten/vnnnd czuuerbieten haben/dem auch/bisz czu vnser verandering/von yederman obenuormelt gleych vnser person/volkomener gehorsam/bey vermeydung vnser schwerenn straff sall geleyt werden.

**Der vierdt Artickel. der heuptman
vnd bergkmeyster sollen keyne
teyll habenn.**

Es sollen auch der heuptman vnd bergkmeyster/czu abwendung mancherley/argwenigkheit/so daraus volgen magk/in czeit der selbenn yrer ampte/vff sandt Annabergk/vnnnd den czugehorenden gebirgen/keyne bergkteyll haben/auch in keinem verborren scheln nutz es dauon gewarten.

Der funfft Artickel. von des
bergkmeysters ampte.

Der itzige vnd zukunfftige bergkmeyster / sol
len macht vnd gewalt haben / vff den gepirgen so
yn beuolhen sein / nach außweissung bergkleuffti
ger weisse / vñ der bergkrecht / vff alle metal bergk
Muttunge wergk zuuerleyhen / vnd muttung des vffnemens
vñ wy sich sal er zu keiner czeit / auch nymande wegern / den
der bergk er bey / dem / so gemut wirt / getrauet zubehaldē.
meister Doch sal er / von itzlichem ein czedel nemen / was
darinne ehr gemuttet. Vff welchem tag / vnd stunde dye
halten sal. muttung gescheen / des gleichen der bergkmeister
czu beweyssung der muttung / dem vffnemer auch
ein czedel geben sal / vnd von einer muttung nicht
meher den einen groschen nemen. Doch so der
bergkmeyster / in der muttung befindet / das der
vffnemer bey seiner muttung aus rechten vrsachē
nicht bleybē magk. Sal er im des warnung thun
So aber der vffnemer dauon nicht abstehe. Sal
der bergkmeister nichts weniger sein gebur / vnd
mutzedeln / wie vorberurt nemen vnd geben.

Der sechst Artickel. wie sich der auff
nemer mit dem auffgenommen gange
halten fall.

Nach geschehener muttung / sal ein itzlicher
auffnemer bynnen nechstuolgenden vierzehē ta
gen / sein gangk entplossen den auch der bergkmei
ster besichtigen sal / auff das er nicht anders dan
auff clufften ader gengen vorleyhe. Vñnd wu

nachachtung des bergkneisters / der auffnehmer
bey seiner muttung bliben / vnd ein rechte gebur-
liche maß nach bergrecht vnd dyser vnser Ord-
nung einkomen magt / sal der auffnehmer bynnen
angezeigtem vierzehnen tagen im sein lebenn auff
vorordenten leyhtag / den bergkneister nachuolge
der weiße leyhen vn bestettigen lassen. **Vnd mel** Leyhtag
che muttüg ane sunderliche czulassung des bergk **Bestetiz**
meisters / binnen vierzehnen tagen / wie obenn bes **gung.**
rurt nicht bestetiget wirt. *note* Sal darnach wyder in
vnser freyes gefallen sein. Der bergkneister sal
auch ane sunderlich genugsame vrsachenn der bes-
stettigung keine frist ader nachlassung thun. Vnd
ab es notdurfft vn billigkeit worde erfordern / sal
es doch yber czweimal nicht gescheen.

**Der sibendt Artickel. wan man alde
czechen muttet zc.**

Wurde ymandt alde czechen / vor vnser freyes
mutter / der sal in der mutung czum wenigstenn /
mit czweien geschwornen beweisen / das dy selbi
ge czech / ane des bergkneisters czulassung. Drey
anfahende schicht nicht bauhaftig gehaldenn sey.
Vnd sal alsdan mit mutzedeln vnd bestettigug /
wie vff newen gengen gehalden werde. Doch
sal der bergkneister vor der verleihung / der alden
gewercken vrsach horen / wu durch die czech nicht
ins frey gefallen / vnd wu ire vrsach nach bergk-
recht genugsam. sal er sy darbey bleiben lassen.

B

Der acht Artickel. wie vnd wan der
leytag sal gehalten werden/ vnd was
dar an bescheen sal.

Leyhtagk Alle woehen/ sal der bergkmeister/ sampt den
geschwornen vff dy mitwoch/ ader wu vff solichs
en tag feyer were/ den andern tagk darnach czum
wenigsten von czwelffen bis czu einer stundt/ vnd
daruber/ so lange es nach gelegenheit der sachen
die notturfft erfordert / bey einander sein/ doselb
best alle muttunggen/ mit verleyhung/ vnd ein
schreiben sollen bestettiget/ friste gegeben/ schiede
beschlossen/ auch solichs alles nachuolgender or
denlicher weysze eingeschriben werden/ vnd was
der/ ane das geschiet/ sal vncrefftig/ vnd vornich
te geacht seynn.

Der. ix. artickel. der heuptmā/ wo er nicht
vorhindert/ sall auch vffm leytage seyn.

Wu der heuptman ander geschafft halbē nicht
verhindert ist/ sal er alle verleyhtag gegenwertigk
sein/ vff sehē das vnser ordnūg genungk geschehe.

Der. x. artickel. der bergkschreiber sal vff
dem leytage sein/ vñ wy er sich haltē solle.

Vff itzlichen oben vornelten leyhe tag/ sal der
bergkschreiber/ neben dem bergkmeister/ vnd ges
schwornen gegenwertig sein/ vnd sal alle alde vnd
newe tzechen/ wy die vff dy czeit verlyhen vñ bes

stetiget werdē/nach anzeygung der mutzedeln
dy man vor allen dīngē vff legen sal/eigentlich ein/
schreibē/wen dy muttūg gescheen/vff was gengē
ader clufften.vñ vff welchen tag/auch weme/wy/
vñ mit welchen vnderscheidt verlyhē ist/des auch
dem vffnemer/wy es ein geczeichent wirt/verzei-
chnis geben/vñ sal zu newen ein sunderlich /des
gleichē zu den alden czechē/auch ein sunderlich
buch haben/in vffnemung der alden czechē /sall
der bergschreiber eigentlich neben andern /wie
oben vormeldt czeichen/durch welche geschwor-
nen die czeche frei beweist sey.

Der.xi.artickel.wye sich der vffnemer
alder czechē/do mitte halten solle.

Ein itzlich vffnemer alder czechē sal nach dem
vffnemen vō stūdt öffentlich anschlagen/welche
czech er vffgenomen das anschlagen vier wochen
stehen lassen/vñnd welche alde vorzubusten ge-
wercken ire teil bawen wollen/sal er darzu komē
lassen/er sal auch nicht gedungen sein/in den selb-
ben vier wochen die czech zubelegen.

Der.xij.artickel.wy sich der bergschrei-
ber in einer itzlichen vorzeichnis vñ mit
den buchern haltē/auch wesz er do von
nemen sall.

Der bergschreiber/sal auch/vber alle fristung
vñd stewer vber alle schide vñd vortrege/vber alle
massen wen vñ wy dy gegeben werdē.auch vber alle

B ij

Biblio/
theca.

Eynschrei-
ben.

retardata / wie die nachuolgender weiffze / werde
vorbracht / zu itzlichem artickel eynn sunderlich
buch haben / zu den selbenn buchern sal ein kast
ader lade verordnet werde. Darczu der berckmeis-
ter einen / vnd der bergtschreiber auch ein schluffel
haben / vnd darein alle mal dy bucher / so man der
czum einschreiben nicht gebraucht / verschliessen
sollen / der berckschreiber sal von einer newen cze-
chen ein halben groschen von einer alten ein hal-
ben groschen / von einer fristung / ein groschen / vñ
einem schide / von itzlicher gewerckschafft ein gro-
schen / vnd von einer stexer ein groschen / von der
mass ein czuschreiben nemen / vñ die retardata
vmb sunst einschreiben / vnd was der obbestymp-
ten stuck / vnd der gleichen. Bergthendel / in bei-
wesen des bergtmeisters vnd geschwornen / in
angezeigte bucher nicht eingeschriben wirdt / fall
vñ crefftig geacht vnd gehalten werden.

Der .xiiij. Artickel. von den die one cze-
chen vñ schein czuschreiben lassen.

Wurde auch ymandt einem andern ein czeche
in scheine zu schreibenn lassenn / des sal dy czeche
bleyben / dem sye czugeschriben wirdt / vnd wu be-
triegt in solchen vberschreiben befunden. Der sal
mit ernst gestrafft / vñ der selbig der vorteyl ge-
sucht / fall in der selben grube / zu keynenn teylem
gelassen werden.

Der vierzehest Artickel. vonn
czubuffz bruenen.

Der Bergschreiber fall alle czubusz briue /
samt des Bergmeysters schreiber / czu gleych
schreiben / vnd auch gleichen genieß / doch beide /
von einem briue / vber ein groschen nicht nemen.

Der .xv. artickel. wie vnd wan man die
gewercken angeben / vnd dy schicht
meister setzen fall.

Item so alde ader newe czechen / wie berurt /
verlyhen vnd bestettiget werden / sal der auffne
mer / auff den selben verleih tag seins auffnemēs /
ader den nechsten verleih tag darnach / dem berck
meister / sein gewercken verzeichnet vbergebenn /
die selbig verzeichnis mann auch in obenn ange
zeigte lade / sal verschliessen / der auffnemer sal dy
selbig czech nach gefallen des mehrn teils seyner
gewercken / doch mit wissen vnd willenn vnser
hauptmans / vnd der bergkmeisters / einem tugli
chen schichtmeister vnd steyger beueln / denne der
hauptmann vnd bergkmeister nach achtung irer
muhe lon setzen / vom schichtmeister vnd steyger
wu di vormals nicht vereyd sein / lauts nachuolgē
der verzeichnis pflicht nemen / des selbigē lauts /
auch alle schichtmeister vñ steyger verbunden wer
den sollen / welche vormals nicht pflicht getan.

Der .xvi. artickel. wā einer czwene ader
drey zc. yrenn czechenn selbst wollenn
vorstehenn.

Wurde auch einer czwene dreye ader viere. vffs
B iij

meiste/eine ader mehr czechen bauen/vnd den sel
ber czu gleich ader einer daraus dye vorweszen
wollē/das sollen vff vorberurte geburliche pflicht
vnser heuptman vnd bergkmeister gestatten.

Der.xvij.artickel.czubus anzulegen.

Es sal im auch der vffnemer/auff obbestimp
te czeyt/den bergkmeyster/nach seyner achtung
bis czu nechstuolgender rechnung notdurfftige
czubussen anlegenn lassenn/die nutzlich verbauet
vnd vff nechstuolgende rechnung/nach der anles
gung fall lauts nachuolgender ordnung anges
schnitten vnd berechent werden.

Der.xviii.Artickel.des gegen
schreibers soldt.

So dy selbe czubusse verbauet/vnd berechent
ist/sal der vffnemer alle gewercken/die yre czubus
gegeben. Ins gegenbuch schreiben lassenn/vnnd
nicht meher gewercken/dan wie sich geburt ma
chen/dauon der Regenschreiber/der mit vorstan
de.sall angenommen/vnd mit geburlicher pflicht/
darczu verbunden werden/vonn eyner czech aldt
ader new/nicht vber ein czinsz groschen/vnd sunst
von einem vberschreiben/eins ader meher kufusz
in eyner czech ein halben czinsz groschen sal nemen
vnnd die retardata/lauts vnser ordnung vmb
sunst aus/auch denn vorzubustenn gewerckenn
czuschreybenn.

Der.xix.artickel.wie man die teyll
abschreiben fall.

Der gegenschreiber/sal nymande teyl abschrey
ben/er sey dan gegenwertig/ader thu glaubwirdi
digen beuelh/wurde ymandt des halben/durch
des gegenschreibers vnuorsichtigkeit betrogenn/
ader in schadē gefurt/des schadens sal er sich am
gegenschreiber erholen.

Der.xx.artickel.wann eynem andern
teylschein weißz czugeschriben werde.

Wurde auch ymandt/andern leuten/in scheyt
ne teyl czu schreiben lassen/des nutzses selber dauō
gewartten wollen/die selben teyl sollem der bleyt
ben/den sie czugeschriben werden/vnd ap dy selb
ben der teyl nicht haben wolden/ader dy ihenen/
den sie czugeschrieben/nicht in wessen weren/als
dan sollen sollich teil als verlaugkent vnd verbur
ret gut/geacht vnd gehalten werden.

Der.xxi.artickel.wan man alde czeche
auffgenomen/wy man das tieffste
streckenn fall.

So eyn alde czeche auffgenommenn.vnd czu
bawenn angefangenn wirdt.Sall er das tieffste
strecken/vnd sunst keyn andere ortter belegenn/
sye seynn denn czuuoer/ausz beuelh/des bergk
meysters durh geschworne besychtigeth vnd

bestochen vnd auff den selben czechem / soll der
Bergkmeister keine halde ane vnsern willenn zu
cleinen ader zu waschem gestatten / auch vff an-
dern czechem / ob dy gleich vom raszen alzeyt er-
bawet. Vnd kein mal ins frey komē weren sulchs
nicht vorgonnen welche die tieffen nicht bawen.

**Der. xxij. Artickel. von vberfarn
gingen ader Clufften.**

Wurden gewercken. in iren massen / in stollen
strecken / ader sunst mit andern gebewenn / genge
ader cluffte vberfarn / die sal der steyger den ge-
wercken zu gute belegen / vñ darauff auszbrechē /
wu aber die verlassen / vnd von andern genut / dy
soll der bergkmeister nicht verleien / er habe dann
solchs den gewercken / ader yren versehern / dye sie
vberfarn / angesaget ader verkundiget. So aber
die selbigen in. xiiij. tagen nach der verkundung /
solche cluffte ader genge nicht wider belegen. soll
der bergkmeister / die / andern leuten verleien.

**Der. xxiiij. artickel. wie der bergkmeister
nymāde vnderricht zu thun ader dye
bucher zu lesen solle wegern.**

Der bergkmeyster sal nymāde wegern / vn-
derricht czuthun / ader auch das bergkbuch in ar-
tickel / dar in es einer bedorffen wurde. zuuerles-
sen lassen / was vnd wie verilien ist. Da mit sich
ydermā nach seyner notturfft / dar nach habe zu

richtenn.

Der. xxiiij. artickel. wie sich der bergk-
meister/im vberschlahen vnnnd ap sich
nicht volle masen begebē halden solle.

So eine czeche iren schacht belegt / Kewbel vñ
seyl einwirfft/vnd dy gewercken am bergkmeister
begern/yre masz czu vberschlagē / das sal er nicht
wegern/vnd wu sich im vberschlahen. nicht volle
maszen ergebenn/vnnnd sich vff ein weher nicht er-
streckt. Sall der bergkmeister/solcher ober-schar/
bei den nechstligēden czechē czu gleich aufzteylen/
wu aber ein weher/ader daruber ist/das fall der
bergkmeister sunderlich verleyhen.

Ober-
schar.

Der. xxv. artickel. des bergkmeysters
solt vom vberschlaē / lochstein/messen.

Der bergkmeyster /sall vom vberschlahenn/
vber funff groschenn /vnnnd vom lochstein/vber
drey groschenn nicht nemen. Vnnnd szo dye czeche
maszwirdig wirt/sal der bergkmeister rechte mas
geben/vnnnd doch solichs czu vor vierzehenn tage
auszruffen lassen/einen yderman/den es belanget.
darnach czurichten. vñ sal nach alder gewōheit/
gebürlich messsegelt nemenn. Doch was er vom
vberslahen vnnnd lochstein czu vor genumen / am
messe gelde abgehen lassen.

Der. xxvi. artickel. wan mā Ertz trifft/
wie man sich halten solle.

E

Zu welcher czeyt in eyner czech ader stollen/
ertz troffen wirdt/das fall man dem heuptmann
vnd bergkmeyster vnuortzuglich ansagen / das
der bergkmeyster vnuerczuglich selber besichti/
gen/ader durch die geschwornen fall besichtigen
lassen/vnd vorder besichtigung / fall man nichts
vom ertz brechen. Man fall auch kein ertz/ane des
bergkmeisters beyweisen ader der ihenen / den er
beuelh gibt/nach schlagen. Vnd das gute ertz/
fall man in verschlossen kewbeln außszyhen / vnd
nicht verstadt werden/ ymande ertz von czechen
czutragenn / das czu verkeuffenn/ader damit czu/
handeln/dann den ihenen/ den es beuolhenn ist/
die auch das ertz nicht anders / dann in fessleyn
ader hoelen/vor dy schmeltzhutten schicken sollē.

Der.xxvij.artickel.vō fristūg vñ das man
sye ane redliche vsachē nicht gebē soll.

Der bergkmeyster fall nicht leichtlich / ane
mergliche notdurfftige vnd nutzliche vsachē/
fristung geben. So aber aus gnugsamen vsachē
en. In eyner czeche czwey mal frist geben wirdt/
fall er forder dauon keins nutzses meher gewarttē.

Der.xxviij.artickel.tieffen stollen vnd
strecken salman nicht vorstortzen vnd
solchs dem bergkmeyster ansagen vnd
den bergk er aus furdern.

So mann in eyner czechen/tieffe stollen streck

ken ader ander ortter / vfflassenn verbawenn ader
versturtzen wil / das fall czuuo: dem Bergkmeys-
ster gesagt werdenn / das czubefichtigen / wie der
bergkmeyster allezeyt vleyssigk thun / ader czuthū
sal verfugenn. Vnd welche ane das ichtes vfflass-
sen / verbawen ader versturczenn / ader auch sunst
denn bergk in stollenn ader czechenn in tieffe ader
streckenn / ap die auch mit willen des bergkmeys-
sters verlassen werenn / sturtzen / vnd den nicht an
tag bringen. Der ader die sollen mit ernst an leyb
vnd gut gestrafft werden.

Der .xxix. artickel. nutzliche bewē sollē
durch dē bergkmeister angegebē vñ ge-
furdert vnnutzliche abgeschafft werdē

Der Bergkmeyster sal vleyssigk vffsehen / vnd
die geschwornenn vffsehen lassenn / das in allenn
czechenn nicht vnnutzlich gebawet werde. Vñ wu-
er schedelichen baw befindet / sal er abschaffen vñ
nutzliche bawe angeben / darinne sal im auch vol-
ge vnd gehorsam geleist werden.

Vō den geschwornen. der .xxx. artickel
wie sy infarn nutz furdern vñ schaden
verhutzen sollen.

Die geschwornen sollen alle .xiiij. tag. ein itzli-
che czech befaren eigentlich besehē vnd erkunden /
wie darinne gebawet wirt vnd sollenn nach irem
hochstē vermogen vleyssigen / mit irer anweissung.

L ij

Handwritten notes:
vñ gebawet
Zurten gnu v
Juni 14 tag
mal gebawet

vnd wie sy das czuthun wissen. das vnser ordnüg
vestiglih gehalten/ vns/den gewercken/vnd ges
meinem bergwerck czu nutz gebauet vnd gehan
delt werde. vnd was sie schedlichs/ader gebrechē
befinden/das sollen sy/wu es moiglich/selber ab
wenden/ader solchs/vff die verleyh tag/auch wu
es nodt ist/mitlerzeit/dem heuptman vnd berg
meister ansagen/die alsdan ferner schaden verku
men/streflichs/wu es befunden/straffenn/das
gute vngeseumpt fordern sollen.

Der. xxxi. artickel. geschworn sollenn
dem bergmeister gehorsam sein.

Die geschwornen sollen auch dem bergmeis
ter gehorsam sein sich czu allen bergsachen wil
liglich gebrauchē lassen/vñ sich seins befels halde.

Der. xxxij. artickel. von gedingē wie sy
die geschwornen machen vnd was sye
do von haben sollen.

no sollen
wgen vnd
A. regere vnd
A. Salanz
A. K. K. K.
A. K. K. K.
A. K. K. K.

Man soll nun hinfurder / ane des bergmeis
sters willen/ader sunderliche czulassung / vff ertz
vnd in fundigē czechē/nicht mit gedinge arbeyt
ten lassen/so es aber czugelassen/in fundigen ader
vnfundigen czechē czu dingen vorgenomē wirt/
vnd dy geschwornen/das geding czu machen/er
fordert werden/sollen czum wenigsten yr czwene
darczu komen/dy ortter/darauff man dingē wil/
czuuoꝛ besichtigen vnd behawenn/auch ab vora

mals daruff gedinget ist/ap der arbeyter gewun-
nen ader verloren/erkunden vnd also das geding
vffs nechste/nach irem bedenckē machen / damit
der hewer czukumen/die gewerckenn nicht vber-
satzt werden/vnd des gedinges/wie es gemacht.
sollen die selben geschwornen stuffen schlahen/vñ
das gedinge/darnach/so es vffgefarn/wider ab-
nemen/dauon sie alleine ires gesatzten stuffen gel-
des/auch sunst keins andern geniesz sollen gewar-
ten. In vnfundigenn czechen sal mann/wu es ane
schadē gescheen magt / mit geding arbeitē lassen.

Der. xxxiiij. artickel. von gedinge wan
die arbeter nicht czu kōmme kōnnen.

Weliche hewer gedinge annemen. dy sollen yre ge-
dinge vleissig vnd genugsam verfahren/vnd daruō
nicht meher dan ires gesatzten lons gewarten. Es
were dan/das moglicher vleis vorgewandt / aus
redlichen vsachen/die arbeitler nicht hetten czu-
kōmen mogen/alsdan sollē dy geschwornē/nach
irem gutduncken vffs gleichste darein sehenn/das
mit dem arbeter sein muhe vergleicht werde.

Der. xxxiiij. artickel. vonn gedinge das
schichtmeyster nach steyger kein teyl
daran haben sollen.

An gedingen/wie die geschehen/sollē schicht-
meister ader steyger kein teyl/ader geniesz haben/
wie der magt erdacht werdenn/bey vermeidung
schwerer straff.

Der funffunddreyszigst artickel. vonn
gedinge vnnnd arbeyt szo die arbeter do
von entweichen.

Vnd welich hewer daruber / vonn seinem ge-
ding / ader sunst seiner angenomē arbeit / entwei-
chen / vnd wie sich geburt nicht abkeren / der ader
die. sollen / ane des willen / von des geding ader ar-
beit / er entweichen / vff keiner czech / ader mit an-
der arbeyt gefordert / vnnnd darczu / vonn vnsern
amptleuten mit ernst gestrafft werden.

Der. xxxvi. artickel. wer / vnd wie man
schichtmeister vnnnd steyger auffnemen
sall.

Vnd als hie beuor gesatzet ist / das der meyste
teyl gewercken / mit willen vnd czulassung vnser
heuptmans vnd bergkmeisters / schichtmeister vñ
steyger auffnemen mogen / sollenn gemelte vnser
amptleute allezeit vleissig vff sehen / das kein vn-
fleissiger vnuerstendiger ader vngetrawer schicht-
meyster angenommen werde. Sie sollen auch vonn
itzlichem schichtmeyster geburliche pflicht vnnnd
vorstandt annemen / also das die gewercken vnnnd
yderman / das ihenig / so er czuthun vnnnd czupfle-
genn schuldig ist / auch wes er schadenn thet / ader
schadens vsach were / ann ym bekommen mogen /
der selbigē vorstandt / wu er in betriegē befunden
wurde / sall im nach verdinst peynliche straff nicht
benemenn.

Der. xxxviij. artickel. wie vll czechen ein
schichtmeister haben magt.

Es sall auch keinem schichtmeister/vber sechs
czechen czu verweisen gestadt werdenn/doch das
darunder nicht vber czwu fundig sein / so sie aber
bey im fundig werdenn/magt er die wol in ver/
sorgung/ bis czuentsetzung behalden.

Der. xxxviiij. artickel. wer die schicht/
meister czu entsetzen macht hat.

Der heuptman vnd bergkmeister/sollē semp
lich macht vnd gewalt habē/ein itzlichen schicht/
meyster mit vnd ane der gewercken willenn/seins
dinst czuentsetzen/vnd sollen doch von gewerckē/
ane des heuptmans vnd bergkmeysters willenn/
nicht entsatzt werden.

Der. xxxix. artickel. wie die schichtme/
ster der gewerckē gelt vnd anders ine
czugehörigk bewaren sollen.

Die schichtmeister sollenn/alles was sie von
der gewerckē wegen einnemen vnd entpfahenn/
treulich vnd wol bewarē der gewercke sach mit ge
beuden/vnd/was man darczu bedarff/vffs nutz
lichst bestellen/alles das czu notdurfft der gewer/
cken/vñ irer czechen musz gebraucht werdē/es sey
vnslit/eyszen/seyl. troge. keubel. holtz. breth. nagel.
vñ alles anders vmb der gewerckē gelt vffs nechst.

als es czubekomen moglich/bestellen / vnd selber
an solichen stucken gar keins nutztes gewartten/
auch aus gunst ader freuntschafft/ mit der gewer
cken nachteyl / nymāde des halben kein nutz ader
vorteyl czu wenden.

Der.xl.artickel. wie der schichtmeister
auff den steyger achtung geben soll.

Es sollen auch die schichtmeister / vnd steiger
vff einer czechen nicht bruder ader vettern seynn/
sich auch in keine sunderliche eynigkeit geben / die
den gewercken czu nachteyl kōmen magt. Son
der ein itzlicher schichtmeister soll vleissig vffsehē/
das sich der steiger mit seiner arbeit vnnnd gebew
den / dieser vnser ordnung mit aus vnd anfang / vn
dem allen andern trewlich halde den hewern forder
vffsehe / das sie recht vn wol arbeiten / auch rech
te schicht halde / vn welche das nicht thun / das
den ir lon dargegen abgezogen / vnnnd darczu ge
strafft werdenn / vnnnd das der steiger dy arbeiter
nicht dringe / cost ader czechen bei in czuhaldenn /
das er auch keinen arbeiter des halbens czu ader
ablege / sunder das also allenthalben trewlich vn
vngenerlich gehādelt werde. Vnd wu anders be
fundē / das er solichs vnsern amptleuten ansage /
derhalben geburliche straff vor czu wenden.

Der.xli.artickel. die fundigen czechen
auch das gutte ertz vorschlossen czu hal
den vnd czupoehen.

Die schichtmeister sollen auch darob sein/vñ
verfugen das alle fundige czechenn / wu es mog/
lich/verschlossen/ein gutter vester schrot / darein/
ein vester verschlossener trock gesatz / das gut ertz
darinne vorwardt. vnd in verschlossener thur ge/
pucht werde/vnd sal sunst / vff keine czech cynich
großhaus anders zu blosser notdurfft/nicht ge/
bawet / auch vff keyner czech nicht geschanck
werdenn.

Der.xliij.artickel.wie mann den arbe/
tern vnd hantwerges leuten lonen/vñ
yne den lon nicht aufschlaen fall.

Die schichtmeyster/sollē allezeit/vff dē lon/
tag beym anschneidē gegēwertig sein. do selbst sy
auch/in beiwesen irer steyger/allē arbeitern vnd
hantwerges leuten/was vff iren czechenn gearbeit
wirt.mit guter mütz/so in der muntz ordnūg zu/
gelassen ist/vñ mit keinem andern gelde lonen/vñ
solichs itzlichem arbeiter/des gleichen dem stey/
ger sein lon selber zuhanden reichē/vñ keynem ar/
beiter sein lon vffschlahen fall. die czeit auch dye
arbeiter alle selber gegenwertig sollen erscheynē/
iren lon zuentpfahen/sy wurden dan durch not/
durfftige ader nutzlich vsachē/daran verhindert.
Welcher arbeiter ym aber sein lon gerne vffschla/
hen lest/dem sal man nachuolgende nicht darzu
helffenn.

Der.xliij.artickel.wy dy schichtmey/
ster lonen vñ nicht lipniß geben sollen.

D

In dem selben ablonen / sollenn die schicht-
meyster eygentlich namen vnd czunamen aller ar-
beiter / den sie lonen / vnd was itzlicher gearbeit /
vnd wu fur der lone außgegeben wird / anzeychē.
solichs forder in sein rechnung bringen / vnd sollē
ane des bergkmeisters willen vff czechenn ader in
hutzen kein lipnis geben.

Der. xliij. artickel. vnslit eysen ꝛc. nach
dem gewichte czu reychenn.

Es fall auch ein itzlicher schichtmeister / seynē
stelger / selber vnslit vnd eysen / nach dem gewicht
te reichen / das auch nach dem gewichte in rech-
nung czechenn.

Der. xlv. artickel. wie man das quaten
ber gelt geben vorwaren / vnd do vō
lonen fall.

Eyn itzlich vorsteher der czechenn / ader schicht-
meister sal czuerhaltung der geschwornen vn̄ an-
der gemeins bergkwerck's notdurfft / vō itzlicher
czech / sie werde gebawt / ader mit frist erhalten /
alle wochen ein halben czins groschen gebē / das
selbig gelt / sal vnser hauptmā / dem berckschrey-
ber ein czunemen / aus czugeben / vnd czuberechen
beuelhenn / doch das ein feste sunderlyche lade /
ynn der czechendner gemach / darczu verordenth /
darczu drey schlussell gehozenn sollenn / der ey-
nen der heuptmann / den andern dy czechendner /

den dreyten der bergschreiber haben solle/darinn
ne das gelt/vnd die register daruber allezeit sol
len verschlossen werden.

Der.xlvi.artickel. schichtmeister vnd
steyger sollen nicht vorrath auff ander
czechen vorleyhen.

Es sollen schichtmeyster vnd steyger/von eys
ner czech/vff die/ander weder gelt/vnslit/eyszen/
ader eynichenn andern vorath ane czulassung des
bergmeisters nicht leyhen.

Der.xlvij.artickel.wie man rechnung
horen vnd sich dar in halden soll

Es sollen auch vnser heuptman / bergmey
ster vn̄ andere so wir darczu verordent/vff itzliche
quattember/von allen schichtmeistern vnd vorste
hern der czechen rechnung horen/wy itzlich viertell
sar den gewercken vorgestandē / vn̄ mit irem gut/
gehandelt sey / wu darinne durch vnwissenheyt/
einlichen gewercken verseumnis ader nachteil ge
schehen were / das sollenn vnser ampleute vorge
melt hinforder verkommen. wu auch durch vnflis
lichtes den gewercken verseumpt were / des sollen
sieden gewercken/von den selbenn/ die es czuner
antworten schuldig/erstattung verschaffen/wur
de aber betrigt/dewbe ader ander offentlich vn
recht befundenn/das soll mit ernst vnnachlessig
gestrafft werden.

D ij

Der. xlviii. artickel. wan vnd wie dye
schichtmeyster mit irer Rechnungen
geschickt sein sollen.

Vnd dem so nach/sal ein itzlicher schichtmeis-
ter/ader der czechen vorsteher/ alle vürteil iar vff
Sonnabent vor itzlicher weichfastenn/ sein rech-
nung beschliessen/ anfenglich eigentlich vñ deut-
lich/mit deutzschen wortten vnd czal alles geldes
vnd vorrath/es sey an bley/wergk/vnschlit/eyssen
holtz/breth/seyel/gefesse vnd alles anders/so den
gewercken czustendig vnd er entpfangen / vor ein
name setzen. Darnach was er vor dy czech in hut-
ten vnd sunst czur gewercken nutz außgegeben /
auch eygentlich anzeigenn/was/wyuil / wenn
vnd weme er dauonn außgebenn / was /we-
tewer er itzlich stuck /vnd von weme ers gekaufft/
wie er die selbige gekauffte ware/wider vonn sich
gereicht / was in zeit des vierteyl iars mit ader
ane gedinge/vnd wie lange vber dem gedinge ge-
arbeyt sey/was vffs gedinge ader arbeytter gegā-
gen/vnd dy selben arbeitler/knecht vnd knaben
namhaftig machen. vnd czu letzt/was noch al-
lenthalt in vorradt bleibt/auch stuckweis ey-
gentlich/vnd welcher von wegen seiner czechenn/
stollen stower/schachtstower/wasser gelt/bergkfor-
derung vierden pfennigk ader der gleichen gelt vñ
sich gibt/der sal von itzlichem/dem er desselligenn
geldes gereicht schriftlich bekenntnis / das er so-
lichs entricht habe/nemen/die selbig schrift also
mit der rechnung furlegen / vnd ab einer in seiner

rechnung gelt im vorradt behelt / das sal er vomn
stundt sampt der rechnung aufflegenn.

Der. xlix. Artickel. das eyenn ytztlicher
schichtmeyster vor der rechnunge mit
den czehndern abrechen fall.

Es sal auch ein itztlich schichtmeister ader vor
steher der silber in czehenden geantwort / ader zu
verlegüg / vff vorstandt wie nach volgt / gelt vomn
czehendnern entpfangē / mit den czehendnern ab
rechen / vff das er solichs in sein rechnung bringē.
vnd wu es verhanden außgeteylt werde.

Der. l. artickel. welchen tag dy schicht
meister ire register vorlegen / vnd wy dy
recess vnd register vorschlossen enthal
den sollen werden.

Vnd sollen also die schichtmeister dermassen
ire rechnung vff vorbestimpten Sonnabend bes
schliessen / vnd eyn itztlicher sein gewerck schafft /
verzeichent / sampt seiner rechnung vff montag
nechst nach den weychfasten allein vff Pfingsten
montag nach Trinitatis vnsern amptleuten vor
gemelt vortragen / die besichtigen vnd vberlegenn
lassen / die selbigen rechnung / sollen alle sumarien
in einen recess / aller artickel darinne begriffen. aus
beuelh vnser hauptmans / bracht werden den ge
czwiffacht sal vns einer geschickt / der ander in ein
lade ader kisten / mit dreyen schlossen verwardt /

D iij

samt allen registern / sollen beschloffen werden /
darczu vnser hauptman eynen / der bergkmeyster
den andern / vnd der bergk schreyber den dreyt-
ten schlussel haben sollen.

Der.ii.artickel. die schichtmeister solle
den gewercken kein schreybgelt rechen /
vnd vmb tadelhaftigk rechnunge ges-
strafft werden.

Die schichtmeister / vnd der czechen vorsteher
die nicht selber schreiben konnen / sollen kein schrei-
be gelt / vff die gewercken rechen. Sunder solichs
von irem lone vorlegen. vnd vleyssigk vff sehen / ire
rechnung gerecht vnd vngetadelt czuuerfertigen /
so aber ire rechnung tadelhaftigk funden werde /
vnd ap eyner ader meher / wie etzlich mal gesche-
hen / sage wolden / es sey vngenerlich. vn̄ aus vor-
geszigkeit geflossen / ap es gleich also were / den
noch soll itzlicher / dye selbig sein vnuorsichtigk /
gegenn vnns nach vfflegung vnzers amptmans
verbuesszen / die vnser amptman einbringen / vns
das forder / samt andern / so ym czuberechen be-
uolhenn ist / vberreychenn lassen / so aber vntrew
ader betrieg dar inne befunden wirdt / das sal an
leib vnd gut gestrafft werden.

Der.iii.artickel. die czechenso czwisch
en der quattember yns frey kommenn
czuberechen.

Vnd ap gleich ein czech czwuschen den quat-
tembern liggē blibe/nichts weniger/sal vff nechst-
uolgende czeit der rechnung/gleich andern czechē/
wie vor berurt / rechnung da von gescheen.

Der. liij. artickel. das der heuptmā dye
register nach der rechnūg besehē lasse.

Vñ so dy rechnung vñ register / nach der rech-
nung angenomē werdē. Demnach sal vnser haupt-
man einem ader czweyen / darczu vorstendigē / so-
liche register mit guter musse vbersehē / vñ wu etz-
was vornals vbersehē / vnd nachuolgende fundē
wurde / sal nichts weniger / nach vorigen vnserm
beuel / gerechtfertiget. verbust vñ gestrafft werdē.

Der. liiij. artickel. wie die schichtmey-
ster czubusse sollē anlegē / czubus brieff
anschlagē / vñ wy lange die stehen sollē.

So ein schichtmeister ader czechen vorsteher /
seyn rechnung / wie vor angezeigt gethan vñ vber-
reicht hat / vñnd souil vorradt nicht bleibt. da mit
er seyne czeche bis czu nechst volgender rechnung.
bawhafftig erhalden mag. Der fall vonn stundt
ime / vnsern hauptman vñnd bergkmeyster / als
verhorer der rechnung / nach yrer achtung. vñnd
notdurft der czechen / czu nutzlichem baw ein czu-
busz anlegen lasszen / vñnd vom Berckmeyster ein
czubusz brieff nemenn / denn fall er vonn stundt
anschlagenn / vñnd nach gethaner rechnung /

vier gantze wochen stehen lassen / den selbē briefff /
fall nymandt bynnenn den selben vier wochenn /
bey schwerer straff abreyssen.

**Der. lv. artickel. wie die schichtmeister
die czubusse einbringen sollen.**

So czubusz vff ein czeche / wie vorberurt ange-
legt / vnd angeschlagē wirdt / sollen alle vñ itzlicher
gewerck der selben czechen. in den selben nechstuol-
genden vier wochen / nach gethaner rechnung / ire
czubus geben / vnd die schichtmeister / sollen key-
nen gewerckenn / mit der czubusz vff sich nemen /
dem auch vber vorbemelte gesatzte zeit / keyn for-
der frist geben. Sie sollen auch die czubusz / vonn
den gewerckenn zu fordern nicht schuldig seinn.
So aber einer ader meher gewercken vff sant An-
nabergk vorleger hetten. Die selbenn vorleger yn
zeit der czubusz / auch schriftlich anschlagē wer-
den / wu man sie fall finden / vnd irer gewercken
czubusz bekomen / bei den selben sollen dy schicht-
meister die czubusz manen / vnd wu etzwas den
gewerckenn / durch die schichtmeyster das sy die
czubusz nicht fordern / verseumt wurde / das fall
den schichtmeistern / vnd nicht den gewerckē zu
schaden gereichen.

**Der. lvi. Artickel. wie sich die schicht-
meister mit der czubusse an auszteyler
sollen verweyssen lassen.**

Vnd als die aufstellung nicht allezeit forderlich
gefallen magt / aus vrsach / das gemeyniglich
alles Silber / erst vff dy rechnung / das meiste teil
ein kompt / vnd mit der eile / souil muntz / vber des
berges notdurfftige vorlegung / nicht magt vorfer
tigt werden / vff das nymandt / der solicher ausz
teilug zu verlegung seiner teyle bedarff / deshalbē
zu schaden geursacht werde. So dann einer / der
auszteylung zu nemen hat einen ader meher schi
chtmeister / an den auszteyler weist / was vnd wie
vil er itzlichem von seyner auszteilung gebenn sal.
Des sollen die schichtmeister benugigt sein / der
auszteyler sal den schichtmeistern von wem. vnd
mit wienil gelde er vorweyßt ist / seyn hantschafft
geben / vnd von dem ihenen der dy vorweyßung
thut / auch verzechnis nemen / vnd was der ausz
teyler angeweißt wirt / sal er so im gelt ein kompt /
entrichten. Vnd dem anweyßer ab ym vber das
verweiste gelt etwas vberlauffen wurde / auch vff
sein erfordern vberreichen / vñ die ihenen / die zu
erhaltung irer teyl dermassen anweyßung thun /
sollenn yre teyll erhaldden / als ap sie mit baren gel
de vorlegt weren.

Der. lvij. artickel. In was czeit eyn ge
wergt der czubuffze halbenn seyn teyl
verleust.

Vñ so dy vier wochen wie vorberurt verlauffen
welich gewerck in der selbē bestimptē czeit sein zu
busznicht gebenn wirt. der sal seyner teyl verlustig
seyn.

¶

Der. Iviij. artickel. wie es mit den teyln
im retardat soll gehalten werden.

Nach außgang der vierwochen / sal der schicht
meister verzeichniss machen / welche gewercken
ire teyl obberurter weysse nicht vorlegt / die in der
funfften woch / vff dem vorleyhtag / ader welche
tag sunst vom hauptman ader Bergkmeister dar
czu ernant werdenn / soliche vnuolegte teyl / als
Retardata vnserm hauptman / der allezeit / wu
es moiglich / vff soliche tag gegenwertigk sein sal /
vnd dem bergkmeister vortragen / die selben vn
vorzubusten gewercken verzeichent namhaftig
ybergebē. Die selben teyl sollen also in gegenwert
igkkeit vnser beyder amptleute ader des eynenn
aus der schichtmeister register / vnd aus dem Kes
gebuch / vnd ins bergkschreibers retardat buch
geschrieben werden. Die selben teyl / die also ins
retardat kominen / vnd außgeschrieben werdē / Sol
len den selbigen / der sy gewest seyn / mit ader ane
der gewerckenn willenn / vmb sunst ader czubusz
nicht wider werdenn / sunder vnser vorgeante
amptleute / sollen von stundt den schichtmeistern
beuelhen / soliche retardata vn̄ abgeschribene teyl /
den gemeinen gewercken vffs tewerst czu gut czu
uerkeuffenn / ader wu die nicht mogenn verkaufft
werden / vmb die czubusz. ader wu das auch nicht
sein magk / vmb sunst czuuergebenn / czu solchem
kauff ader gabe die vorzubusten gewerckenn / der
selben czech / den vorgangk haben sollen / wu auch
dye vorzubusten gewercken / der mere teyl / wurs

den begern. dye selben Retardata teyl vnuerkauffe
vnd vnuergeben / gemeinen gewerckenn czu vber
schreyben / ader die vnder sich czugleych / nach an
czal aus czuteylen. Das sal also geschehen. Doch
das die selbigen teyll gemeinen gewerckenn / ader
yederm sein gebur sunderlich / wie es beschlossen
wirt / ader wu dy sunst / wy vorberurt andern ver
kaufft ader gegebē / allezeit sollen ins Regensbuch /
in beywesen der amptleut geschryben werden.

Der. lix. artickel. wie man in czechen so
czwischen der quatember ligen bleibē
die teyl erhalten magt.

Es fall auch nymandt / der seyne teyl / lauts
vorberurter ordnung / vff itzliche weychfaste / mit
czubusz vorlegt ap auch czwischen der selben / vnd
nachuolgeden weychfaste / die czech liegen blibe /
wider vffgenomen vnd czubusz angelegt worde /
die selbigen seyne teyl verseumen ader verlieszenn /
sunder szo der selbige seyne teyl / die er vff nechst
czu vor angelegte czubusz vorlegt / vff nechstuolgen
de rechnung darnach was mitlerzeyt angelegt
were / ader vff das mal angelegt wurde / lauts vor
bemelter vnser ordnūg / mit czubusz vorlegē wirt /
der ader die selbigen / sollen bey solchen iren teyl
len bleyben / das aber auch dem vffnemer deszhal
ben keyn verkurtzung geschehe / sal nymandt gedū
gen sein / soliche czechen / dye czwischenn zeit der
rechnung ligen bleiben / vñ vffgenomen werden /

E ij

bis czu nechster rechnung/nach dem vffnemenn/
czubelegenn. Es sal aber auch nymandt/die czu
bawen vnd czubelegen/damit verbotten sein.

Der.lx.artickel.was dy schichtmeister
ausz dem czehendē czufordern haben/
vnd wie hoch der vberlaufft fall außge
teylet werden.

Vnd so ein schichtmeister/von wegen seyner
gewerckenn/silber im czehendenn hat. fall er bey
schwerer straff wochēlich nicht meher dauon ne-
men/dan souil er czu blosser notdurfft der czechē/
vnd der gewercken sach außzurichten/bedarff/
das mit den czehendnern/auch gegeneinander in
verczegnis bringen. Vnnd was vberlaufft/wu vff
ein lutes czwene gulden außzuteylen ist / fall vff
geordente zeit aus geteilt/ader was sich czur auß-
teilung nicht erstreckt / den gewerckenn czugut in
czehenden czu vorrath enthalden/ader mit czulaf-
sung des heuptmans vnd bergkneysters den ge-
werckenn czu yrem nutz / was vber notdurfft der
czechen sein wirdt/volgen lassen.

Der.lxi.artickel.dy czehender sollē ane
verstandt nichts verleyhen vnd sal kein
schult auff dy czechen geschlagē werdē

Wurde ein schichtmeister von wegen seiner ge-
wercken ertz am stein/ader Silber ym werck hat
ben/vnd von czehendnern vorlegung begern/sol

len sich dy czehendner des ertz vnd silbers halbē.
der warheit erkundenn / vnd ap gleich ertz ader
werck verhanden ist / doch keinen / der nicht silber
im czehenden hat / ane gnugsam vorstandt vorles
gen / damit sollen dy czehendner ir sach in achtūg
halden / vnd vff die czechen hinforder keine schult
schlagen / dann es fall den czehendnern czu keyner
schuldt / dy nu hinfurder gemacht wirdt / vff der
czech verholffen werden.

Der. lxiij. articke. wie sich die schicht
meister zwischē den quatēbern der czu
busz erholen vñ dy czechē erhalten sollē

Ab sichs begeben / das eynem schichtmeister
zwischen zeit der rechnung / czu vorlegung seiner
gewercken czech gelt mangeln wurde / aus vrsach
das die angelegte czubusz nicht einkommen / ader
so die einkomen / nicht erreichen mochte / so mag
der schichtmeister die czeche zuerhalten / mit wil
len vnd rath des bergkmeisters / so vil schuldt vff
dy czeche machen / als czu erhaltung der czechen /
bis vff nechste rechnung / darnach nodt sein wirt.
Vnd so der schichtmeister seins dargelegten gel
des / ader gemachtē schuldt / vff dy selbige nechst
uolgende quatember nicht entricht wurde / denne
fall ime der bergkmeister czu der czechen helffen /
czu der selbigen czeche / sal der schichtmeister aber /
bis vff die ander quatember darnach frist habē
die czech czu belegenn / szo aber die czeche darnach
vnbauhaffrig vnd das nach vnser ordnung / nicht

E iij

damit gebaret were / befunden worde / denne fall
die czeche frey ane schuldt vorlihen werdenn / we/
licher schichtmeister aber / ane willen ader czulass/
fung des bergkmeisters schuldt vff czechen mach/
en wurde / dem sal zur czechen vnd gelde nicht ge/
holffen / vnd so die czech ligen bleibt / vñ wider vff/
genomē wirt / keine schuldt dauon bezalt werde.

Der. lxxij. artickel. wie sich der aufzteyl/
ler halten soll.

Es sal auch / der aufzteyler / alles gelt / was in
itzlicher rechnung / auszuteyln / beschlossen wirt /
von vnsern czechendnern entpfahen / vnd itzlichen
sein gebur / dauon / so erst ym solich gelt einkompt
vff ansuchen / trewlich vngewegert entrichten / soll
auch nicht meher / dan von itzlicher aufzteylendē
czech / ein reinischen guldenn zu seinem verdienst
haben / vnd sal daruber von der czech ader gewer/
ckenn / der aufzteylung halbenn / durch sich ader
ymandt anders / keyn lipnis ader geschencke nicht
fordern.

Der. lxxiii. artickel. das ane laube ann
fremden enden nicht sal geschmeltz
werden.

Vnd als got lobbe gemelt vnser bergkwerck
mit vil schmeltz hutten / wol versorgt ist / wollenn
wir / das an andern endenn / nicht sal geschmeltzt
werden / dan in den hutten zu angezeygte bergk

wergt gehorende / es were den / das einn schicht
meyster / ader der czechen vorsteher / an andern en
den / seiner gewercken nutz meher geschaffen mo
cht / das fall er vnserm heuptman / bergmeyster
vnd huttenreytter ansagen / wu sie dan der gewer
cken nutz daraus befinden / so sal es einem itzlich
en verstadt / vnd czugelassen werden.

Der. lxxv. artickel. dye hutten mitt ge
trawē vorstehern czuorsehen / vñ nicht
mit den so eygen hutten ader teyl dar
an haben.

Welche eygene hutten / ader teyl an hutten ha
ben / die sollen in andern hutten / nicht czu hutten
schreibern gebraucht werden / vñ vñ vnser heupt
man / vnd bergmeister sollen daran sein / das ein
itzliche schmeltzhutten / mit einem getrawen vor
stendigen vñ vñ vñ hutten schreyber / vñ vñ
hen werde / die sollen auch itzlicher sein pflicht thū
In maszen wie hirnach befunden wirdt.

Der. lxxvi. artickel. dye hutten schreyber
sollen yres gesatztes lons begenugigt
seyenn.

Dye selben hutten schreyber / sollenn ires ge
satzten lons benugigt sein / von czugengen der hut
ten / ader von den gewercken / so darinne schmeltz
en / keynn andern genieß czubekommen trachten
ader synnen.

Der. lxxvij. artickel. wle sich die hutten
schreiber mit gutten schmelzern vnn
vorrath vorsorgen vnd sunt allenthalbē
in der hutten halden sollen.

Es sollen auch/ die selbigen hutten schreiber/
sich mit guten vorstendigen schmelzern / allezeyt
vorsehen/ die den gewercken nutzlich czu schmelz
zen wissen/ die selben schmelzer / sollenn voreydt
werden/ vnd an den hutten kein teyl haben. Dye
hutten schreiber sollen auch mit kol/ bley/ schlackē.
schlackenstein flossen vnd andern czum czusatz ge
horende/ in der hutten allezeyt geschickt sein/ vff
das schichtmeister/ ader der czechen vorsteher/ so
lichs czu irer gewercken notdurfft allezeyt bekom
men mogen/ den auch dy hutteschreiber dy selben
stuck alle vnd itzlichs vffs nechst ane allen gewin
lassen sollen. Vnd man sal auch in einer hutten/
schmelzern vnd andern gesinde/ nicht meher lon
dan in der andern geben. Man sal alle tag/ in hut
ten frue vmb funffe anlassenn/ vnn ane das czu
machen rechte schicht acht stunden haldē. Es were
den/ das nach achtung der huttenreiter hutten/
schreyber ader schichtmeyster / gantze schicht czu
schmelzen eynem ertz schedlich were/ denne mogē
die schmelzer nach czulassung der huttenreytter
ader hutten schreiber eher schichtmachen/ vnd ein
itzlicher hutten schreiber/ sal vor dem anlassen/ des
gleichen so man schicht machen wil/ personlich in
der hutten gegenwertigk sein/ vnd vffsehenn/ das
vffs trewlichst vnd vleissigst allenthalbenn in der

hütten gehandelt vnd gearbeit werde / vnd das sie
nach dem ablaszen allezeit / wie nachuolget / dye
wergt probirn / vnd mit den schichtmeistern da
von verzeichnis machen mögen.

Der. lxxviii. artickel. der schichtmeyster
sal vor dem anlassen / notdurfft czu ne
men / persönlich gegenwertigk sein.

So ein schichtmeister / ader der czechen vorste
her / in einer hütten czu schmeltzen hat / soll er alle
zeit vor dem anlassen selber gegenwertigk seynn /
vom hütten schreiber czu notdurfft seiner gewerckē.
Ertz / bley / vnd andern zusatz / wienil man des
vff dye selbig schicht bedarff / vnd sunderlich das
bley gewegen annemen / mit dem hütten schreiber
dauon ordentlich verzeichnis machen.

Der. lxxix. artickel. dy schichtmeister sol
len keyn auslassen auch gegenwertigk
sein vn̄ was ine furder czuthū geburet.

Des gleichen sollenn die schichtmeister / bey
dem auslassen auch gegewartigk sein / das werck
probiren lassen / vnd wegen wie vil er bley wyder
ausbracht / solichs alles verzeychē / vnd dy selbig
verzeichnis mit zum anschnitt bringen / vnd sal
allezeit seine wergt vnd bley / in eynem kasten / in
der hütten vorschlossen halten / darzu der schicht
meister vnd hütten schreiber / itzlicher ein schlüssel
haben sollen / vn̄ so ein schichtmeyster aus andern

f

seiner gewercken nutzlichen sachen/nicht allezeit
wie oben vormeldt/beim schmeltzen sein mocht/
so mag er ein andern vorstendigen/doch nicht vff
der gewercken gelt darczu schicken/sein stadt czu
uorweisen/die proben vnd abschnitte sollenn dye
huttenschreiber den gewercken wider geben/vnd
vom probirn nicht meher den sechs pfenning
nemenn.

Der.lxx.artickel.wie mā sich mit dem
abtreyben halten fall.

So ein schichtmeister/bisz czum abtreybens
geschmeltzt hat/fall er nymandt anders/dan dye
geschwornē abtreyber/der vnser hauptmā sechsse
die vorstendigsten verorden fall/ abtreiben lassen/
doch szo fall der schichtmeyster/ader der czechenn
vorsteher eher dan er treiben lest/den czehendnern
was die wergē/so vff das mal sollen getriben wer
den/an gewicht vnd silber haldenn verzeichnet
bringen/das die czehendner forder einschreyben/
den schichtmeister mitt seyner verzeichnis czum
hauptman weisen/dem er dy verzeichnis lassen.
vnd ein zeichen von ym nemen sal das im czutrey
ben erlarbt sey/ane das auch nymande czutrey
ben sal gestadt werden.

Der.lxxi.artickel.wan der schichtmei
ster das czeychen erlanget/was er sich
furder halden fall.

So der schichtmeister/ader der czechenn vorste

her/das czeichē/wie vor angezeigt erlangt/sall er
selber bey dem abtreibē gegenwertig sein/vñ nach
dem abtreiben/den bligk in der hutte wegen laszē
was der bligk vom hutteschreiber irer hantschrifft
verzeichnis nemē/vñ alsdā den bligk/sampt der
verzeichnis den czehendern vberantworten den
prohirn laszen/vnd deshalben verzeichnis vō yn
nemen/vff welchen tag/vñ wievil sie von im ent
pfangen/vnd ferner den bligk bornen lassen.

Der.lxxij.artic.was dy czehēdner thū sollē.

Die czehēdner sollen alles sylber/so vff ange
zeigt bergwercken gemacht wirt/trewlich eyn
fordern/vñ vffsehen/das furstlicher gebuer/vnd
den gewerckē daran nichts entzogē werde/von dē
selben irem einnemē/sie ordenlich rechnūg halde.
Es sollē auch dy schichtmeister allezeit/so irer ge
werckē silber gebrant wirt.gegēwertig sein/vffsee
hen/so das silber czuschlagen wirt/das es wol vff
geleszen/vñ czusammen gehalten werde/vñnd nach
dem brande/sal er dy teste wol besehen/ap den ge
wercken etzwas daraus magk geclaubet werden/
alsdā abermals verzeichnis mit den czehēdnern
machen/wievil nach dem brande blieben/vff das
die schichtmeister ire rechnung darauff machen/
die gewerckē auch/was in vber furstliche gebur
daran czusteht wissen/vnd bekommen mogen.

Der.lxxiiij.artickel.was man vom ab
treiben/czu lone geben soll.

f ij

Die abtreiber / sollenn vom abtreiben / nicht
meher dan ires geordneten lones gewartten / vnd
vber eynem abtreibenn / der gewercken gelt nicht
vber czwene groschen vertrincken / vñ man sal von
grossen ader cleynen blycken nicht meher dan. xx.
groschen czu treiben geben.

Der. lxxiiij. artickel. das nymädt vom
schmelzen sal abgedrungen werden.

Welichem schichtmeyster / ader der czechenn
vorsteher. in einer hutten / mit eynem ader meher
ofen czu schmelzenn verstadt wirdt / der ader die
sollen nicht abgedrungen werden / sie haben dann
ir ertz vnd schlacken gar vffgeschmeltzt.

Der. lxxv. artickel. wie mans mit den
schlagten halden soll.

Es sall auch itzlicher czeche / ire schlackenn / in
der hutten darinne sy gemacht vergunst werden /
so offft das nutz ader nodt sein magt / czu schmel-
tzen ader czum zusatz czugebrauchenn. So aber
schlacken von gewercken verlassen werden / sein sy
in vnser freyes gefallen. vnd nymandt sal der ane
vnser sunderliche czulassung gebrauchen.

Der. lxxvi. artickel. was die hutten
reitter thun sollenn.

Die hutten reytter / sollen alle tag / die hutten

besuchen vnd in itzlicher hutten vffsehenn/vnnd
vleyssig erforschen/ ap vnser ordnung gehalten/
ab treulich vnd vleyssig gehandelt vnnd gearbeit
werde/vnd nach itzlichem ertz/das mā schmelzt
fragen/wie man das czu schmelzen fürgenomē/
vnd sollen sunderlich verfügen/das man alles ertz
wol puch vnnd scheyde auch reyn mache/damit
man desterbasz erkennen magt/wie man itzlichs
am nutzlichsten schmelzen fall. vnd wu sie befin
den/das wider vnser ordnüg ader sunst betrieg
lich ader vnfleissig gehandelt wirdt/das sollen sy
bey iren gethanenn pflichten/vnserm hauptman
vornelden/solichs mit ernst vonn vnsern wegen
czustraffen/vñ wu sie darinne seumigt befunden.
sollen sye selber herttiglich gestrafft werden.

Der.lxxvij.artickel.wie mā in der hut
ten czum schmelzen auff sehen soll.

Wurden auch die hutten reitter befinden/das
ein ertz/vff ander weyffe/dann es die schmelzer
vorhaben/czu schmelzen/vnd meher nutz damit
czu schaffen were/das sollen sie angeben/vnd dar
nach czu halden verschaffen/desgleichen dy hut
tenschreiber/auch vffs schmelzen vleyssigt sehen/
vnd was sie schedlichs vormercken/abwendenn/
vñ nutzlichs fordern/wesz sy des auch durch sich/
nicht verfügen mogen/solichs den huttenreitern
ansagen sollen.

F iii

Der. lxxviii. artickel. dy person in hutte
sollē sich der huttenreytter gehorsams
halten.

Die huttereytter sollen bey allen personen czur
hutte gehorende / vñ sich der gebrauchende gehorsam /
haben / sich nach irer anweyffung czu halde.

Der. lxxix. artickel. die hutte hern sollē
einander die Koler nicht apspenen / vñ
vō holtzhawē vber dy satzūg nicht lonē.

Es sal kein huttenher / dem andern seyn Koler
abspenen / bey voaneydung vnser sunderlichenn
straff. vñ von einem malder holtz. nicht vber eyn
halben groschen / czu hawen geben. vñ das holtz
sal dritthalb ifreybergisch Elen halden.

Der. lxxx. artickel. was vor steyger vñ
wie die sollen auffgenommen werden.

So als biszher befundenn ist / das vil steyger
in dorffern vmb sandt Annabergē sesshaftig ge-
west / die vilmal irer narung vñ eygen geschest aus-
gewart / irem dinst genug czuthun seumig gewest
vñ deszhalbē den andern arbeitern nicht vffsehē
mogē. vñ ap sie bei dem selbē arbeitern gebrechen
fundē / nicht da wider gered / vff dz sie auch selber
irer eygē verseumlikeit halben nicht beschuldiget
werdē / dem so nach / wollē wir / das kein steyger /
sal vff czechen gebrauch ader angenomē werden /

Der binnen drey messen vmb sant Annabergk / anders dan in der Stadt wöhabffrig sey / welche aber sie wonüg / in der Stadt. ader auch außserhalb drey messen habē. vñ sunst czu steigern tuglich sein / dy sal man czulassen / doch so sal nymäd kein steiger anders / dan mit wissen vnser bergkmeisters setzen. ader entsetzen / vff das betriegk / daraus fließende verkömē / auch die steiger mit pflichtē verbunden werdē / wu es in diesem articke anders befundē. so sal der steiger / der sich darczu gebrauchē lest / vñ der in vffnimpt ader gebrauchet / mit ernst gestrafft werden.

Der. lxxxj. articke. wie vil czechen eyn steiger vnder haben magk.

Es fall auch / ane vnser bergkmeisters czulassung / keinem steiger / meher dan eine czeche czu vorweisen vergunst werden.

Der. lxxxij. artic. was ein steiger thun vnd wie er sich gegen den hewern vnd arbeitern halden sol.

Ein itzlicher stelger / sal czu itzlicher schicht. vff der czeche gegenwertig sein / vnd vffsehen / das die hewer vñ arbeitler rechte schicht anfahren vñ halden / vnd sal die hewer vñ arbeitler vleissig anhalten / vñ vnderweyssen / den gewerckē vleissig treulich vnd nutzlich czu arbeiten. So er auch wurde befindenn / das eyner ader meher hewer / ader andere arbeytter / rechte schicht nicht haldenn /

den sal er solichs in keinen wege / zu gutte haldē /
sunder wu einer gleich auß redlicher vsach / seyn
schicht zu haldenn seumigē gewest / dennoch sall
dem selben sein lon nach anczal darfegen abgezogen
werden / wu aber einer aus boszen vsachenn
nachlessig befundenn worde / den sall der steiger /
dem bergmeister ansagen / dem auch der berg-
meister nicht allein seinen lon sall lassen abrechen /
sunder mit ernst darzu von vnsern wegen straf-
fen. Vnd ein itzlicher steiger sal den hewern selber
alle schicht eyszen vnd vnslit geben / vnd was sie
des eruberigen von der czech / in iren nutz zuwen-
den nicht gestatten.

**Der. lxxxiij. artickel. wie vnd welche
zeyt man anfahren sall.**

Man sall allezeyt frw zu vier horen / dy erste
schicht / die andern zu zwelffenn / die drytte zu
achtenn / des nachtes anfahren / vnd also itzliche
schicht acht stunden volkomenlich in der arbeyt
bleiben / vñ eher der steiger außclopff / nicht vom
ort faren / vnd zu itzlicher schicht / sall man eyn
stunde zuuor anleuten / da mit sich dy arbeytter
darnach zu richten / vnd dester weniger irer vor-
seumlichkeit / zuentschuldigen haben.

**Der. lxxxiij. artickel. wie mā die nacht
schicht nicht sall gestaten.**

Vff welcher czeche nicht drey schicht gearbeyt

werdenn / sollen vnser amptleut / die nacht schicht
nicht gestattē / vnd wu eine schicht alleine gearbeitet
wirt / da fall mann die frwe schicht des morgens
ymb viere halden.

Der. lxxxv. artickel. kein hewer ader ar
beyter fall ane laube czwue schicht lon
nemen.

Es sal auch kein hewer ader hespeler / ane des
bergkmeisters vorwilligung / in czweyen czechenn
schicht arbeytten / ader in einer wochen von gru
ben ader stollen arbeyt / meher dan ein lon nemē /
ader vff sich schreiben lassen / wu es anders erfare
wirt. da sal man steiger vnd arbeitler herttiglich
straffen / aber doch sal nymande / bey seiner weyl /
im selber ader ymb lon czu scherffen verbottē sein.

Der. lxxxvi. artickel. von gerechtikeit
der stollen.

Vnnd als sich biszher vil irthum / der stollen
halben ergeben das wir / so vil es moglich czuuer
komenn geneigt / dem nach wollenn wir / das ein
itzlicher erbstolle / vnd alle andere stollen / was in
dieszer nachuolgeden vnser ordnung nicht veran
dert wirt / sein gerechtikeit haben vnd behalden.
auch fall gebawet werdenn / wie gemeine bergk
recht vnd alth herkomende ybungen das geben /
vnd außweisen.

B

**Der. lxxxvij. articke. von gerechtigkeit
der stolle.**

Vnd wu ein erbstolle/in fremde maß getribē
wirdt/darinne ertz befunden/so mogen die stoll
ner funffviertel einer lochter/von der wasser seyge
vber sich bis an die firste/vnd ein halbe lachter in
die weitte/vierdehalb freibergisch ele/vor ein las
chter gerechent/das ertz haben/vnnd zu sich ne
menn. wu aber eynn kampff vorfyele/steth es bey
des hauptmans/bergkmeysters/vñ der geschwor
nen erkentnisz.

**Der. lxxxviij. articke. von gerechtis
keit der stolle.**

Wurde aber ein stolle in ein czeche ader maß
getriebenn/vnnd treffe ertz/hette doch der teuffe
nicht/die ein erbstolle haben sal/dasselbig ertz/sal
der czech/vnd nicht den stolnern czu stehen.

**Der. lxxxix. articke. wie die stollen
sollen gebawet werden.**

Vnd als vff diesem bergkwerck vil vnorden/
licher bewe wyder altherkomende bergkleufftige
weise/in stollen geschehen/vnnd deszhalbenn vil
czweitracht erwachsen ist.orden vnd setzen wir/
das ein itzlicher stolle mit seiner wasser seyge/nach
alherkōmender bergkwerck's recht vnnd vbung
sal getrieben/vnnd einiche gespreng darinnen czu

thun nicht gestat werden / es begeben sich dan. Das
keine / ader der gleichen vesten zu vielen / also das
der stolle aus notdurfftigen vrsachen muste erha-
ben werden / welche dennoch ane besichtigung vñ
zulassung des bergkmeisters nicht gescheen sall /
vñ wu eine czeche / wassers ader wetters halbē /
eins stollens bedorffte / der selbigē czechenn magē
der stolle / doch mit zulassung des bergkmeysters
vñd ane das nicht mit einem orte durch gesprens-
ge zu hulff komen. vñd damit in der selbenn czech
das neunnde erlangen. Welich stolle aber ane law-
be des bergkmeisters sein ort / mit gesprenge in
eine ader meher czechen treiben wirdt / der sall da-
mit kein recht erlangen. Wurde aber ein stolle mit
bergkflustiger altherkomēder weisse / in ein czech
getribē. dem sal nach altherkomēder gewōheyt vñ
bergkrecht / vnuerandert sein gerechtigkeit volgē.

Der neunndczigt artickel. von dem
marckscheiden.

Es sal sich auch nu hinforder vff vil gemeltē
vnserm bergkwerck nimandt marckscheidēs vn-
derstehen / er sey dan von vnserm hauptman vñd
bergkmeister zu gelassen / die auch keinen zulass-
sen sollē. er sey dan tuchtig / vñd seiner kunst ferttig
befunden. darzu sye auch yre geburliche pflicht
thun sollen.

Der .xci. artickel. von des marckschey-
ders ampte vñd lon.

B ij

Es sollen sich auch / die selben marckſchyder /
ein yedern czu ſeiner notdurfft gutwillig gebrauch
chen laſſen / doch ſich keine gemein czuges / weber
czuges ader verlorren czuges / ane wiſſen vnd wil
len vnſers hauptmans vn̄ bergkmeysters vnder
ſtehen in den ſelben czugen / ſo ſie die thun / ſollen
ſie die leut mit vnpfleglichem lone nicht vberſetzē /
wu aber ymandt deſzhalben beſchwert wurde /
das ſal bey vnſers hauptmans vnd bergkmeysters
meſſigung ſtehen.

Der. xcij. artic. wie die gebrechen vmb
entploſte czu fallende genge ſollen ver
tragen werden.

Ab ſichs begeben / das andere entploſtē genge /
von eynem hauptgange. ader verlyhen maſzen am
tag genug ferne von einander weren / vnd doch in
der teuffe czuſammen fielen / geczanck̄ daraus entſtū
de / als das ſall der bergkmeiſter / ſampt denn ge
ſchwornen vnd andern vnuordechtigen bergkuor
ſtendigen dy gebrechē beſichtigen / vnd nach irem
guduncken / einen teyl / dem andern czu weichen
weiſzen / des ſich auch itzlich teyl also ſall halden /
damit vnnutzlich geczanck̄ vnn̄ hynderung des
bergkwercks gemiden werde / vn̄ ab ſulchs durch
des bergkmeiſters vnd der geſchwornē nicht ent
ſchiden erlanget ſal es rechtlich entſcheiden wer
den / vnn̄ ab eyner den andern in ſeiner maſz ertz
enthawet ab gleich die ſach nachuolgent rechtlich
entſchiden wirt. ſal doch das ertz ſo vor dem vor

bot gehawen ist dem bleyb der es gehawen.

Der.xciii.artickel.von probiren irem
lone/vndwie sich die halden sollen.

Es sollen alle czeit czwen vorstedige probirer
von vnserm hauptman vnd bergmeister verordēt/
vnd mit eides pflichtten darczu verbunden wer-
den/einem yedern vff sein begern/treulich vleissig
vnd recht czu probirn vber die auch sunst nymādt
vmb gelt ader vmb sunst new ertz probirenn fall
aber in hutten/mogen dy hutten schreiber ertz das
man czuschmeltzen darein bringt den gewerckenn
czu nutz wol probirn ader probirn laszē/wu auch
den selben probirern new ertz ader art czuersuch
en zukompt/das sollen sie vffs vleissigst probirn/
vñ wu sichs mit silber beweist/das sollen sy dem
hauptman vñ zehendnern/in beywessen des iher-
nen/der das ertz bracht ansagen/vnnd von eyner
probe nicht vber ein groschen/vnd welich ertz mā
ansyden musz.czwene groschen nemen.

Der.xciii.artickel.wie vnnd in waszer
zeit die gewerh der teil bescheen solle.

So eyner dem andern teyl wirdt verkauffen/
ader vorgebē.so sal der verkeuffer/dem keuffer im
gegenbuch die gewerher binnen vier wochen thun
vñ der keuffer sal auch verpflichtet sein/die gewerher
in bestimpter czeit czu fordern/so aber die erforde-
rung nicht geschicht/vnd māgel der gewerher an

B iij

verkeuffer nicht gewest / fall er als dan forder czu
geweheren nicht schuldig seyn / sich befunde dan /
das der keuffer die geweher czu fordern / mergli-
cher vñ redlicher vsachen halbē verhindert were.

Der. xcvi. artickel. wan sich der vorkeuf-
fer ader keuffer / nicht wil finden /
lassen.

113
Wurde auch ein teil der keuffer / ader verkeuf-
fer nicht vorhanden sein / ader sich nicht wolde fin-
den lassen. So fall der keuffer / wie er die geweher
czubekomen begert / ader der verkeuffer / wie er die
geweher gern thun wolde / dem hauptmann ader
bergkmeister ansagen / damit fall er gnug gethan
haben. So aber befunden wurde / das einich teyl
betryeglich in solchem fall gehandelt / der sal mit
ernst gestrafft werden.

Der. xcvi. artickel. das ane lawbe der
amptleute in bergksachē keyne tagley-
stung fall gehalten werden.

Nach dem auch mit vnnutzer tagleistug czwöl-
schen partheien vil schaden ergangen / orden vnd
setzen wir / das nu hinforder keyne gewergkschaft
bergksachen halben / eyniche tagleistung / ane vn-
sers hauptmans vñ bergkmeisters willenn / nicht
vben sollen / sunder so sich geczengt begeben / vnd
an vnser obgemelte amptleute gelangen / wu sye
die gutlich nicht mogenn entscheyden / sollenn sie

nachuolgeder weisse rechtlich entschickt werden.

Der.xcvij.artickel.was der bergkmeis-
ster czu richten hat/vnd wie das bergk
gerichte hinfur solle gehalten werde.

Als wir auch vnsern lieben getrawen richter
vñ rath/der stadt sant Annaberges/vnser bergk-
gericht beuolhen/orden vñnd setzen wir/das alle
bergksachenn/was sich der hinforder begebenn/
Ezum erstenn an vnsern bergkmeyster sollem
gelangen/der/wu er die selber nicht entscheydenn
magt/sampt vnserm hauptmann vleissigenn/die
parth gutlich czu uereynigen/ader mit beyder seyt
willē/sie vff vnser erkentnyß czu rechtlichem auß-
tragt verfassen. Wu aber den parten beyden/ader
einem teyl meher gelieben worde/die sach vor ge-
ordenten dingklichem gericht außzutragenn. als
dan fall die sach an obbemelt vnser bergkgericht/
Richter vnd schoppen sant Annaberges geweyst
werden/die den parthen citacion/vnd alles was
sich nach bergkrecht eygent/sollen widerfaren vñ
geschehen lassen.

Der.xcvijij.artickel.vonn Appellacion
vñ leutterung/wie vnd wiewil mal mā
die einbringen sal.

Vnd ap sichs begeben.das eynich parth/vff ges-
prochen vñ teyl leutterung bitten/ader das vñ teyl

straffen / vñ sich deszhalben beruffen wurde / dem
sal man ein mal / doch nicht vnnordurfftig leutte-
rung / auch sich an vns czuberuffen / nicht vorpers-
ren / doch das solichs beydes vff vnuerwandtem
fuesz nach herkommen der bergkrecht geschehe / in
ander weysze appellacion fall man nicht gestatten.

Der. xcix. artickel. geistliche vnd so dig-
nitet haben moege ire selbst vñnd nicht
ander leute sachen reden.

Es sal auch / vor dem selben vnserm bergkge-
richt / auch in hendeln / vor vns selber / ader vnserm
amptleutē / nymādt kein redner / der geistlich ader
eynich dignitet an im hat / gebrauchen / vnkost vñ
shedliche einfurung czuuermeidenn sunder eyn
geystlicher vnd der dignitet an im hat magt sein
eygen sach vortragen.

Der. L. artickel. Kommer vorbot vnd
gebot in bergksachē ader dor aus flisse
de sollē durch den bergkmeister bescheē

In allen bergksachen / vñnd von bergkwerck
fliessende was sich des ausszerhalbenn geordents
recht begibt / darinne Kommer / vorbott ader ge-
bot czuthun nodt seyn / sollenn alle durch vnsern
Bergkmeister geschehen / wie vom alder gewon-
heyt herkommen ist.

Der. L. i. artickel. was vñ wie der bergk
meister czu bussen hat / vnd die bussen
berechen fall.

Wir behalden vns auch vnser gericht czu umbergk
wergk gehorēde / also das vnser bergkmeister alle
sachen / von vnsern wegen czu straffen vñ czu bues
sen magt haben sal / was vormals nach herkomen
vnd außweissung der bergkrecht / andere bergk
meister czu straffen macht gehabt / doch so sal der
bergkmeister / soliche buessen vñ straffē / mit rath
vnd willen vnser hauptmans / entricht nemen /
was da vō gefelt / vns ierlich berechē vñ entrichtē.

Der. L. ij. artickel. der rath auff sandt
Annabergk mag die freueler ins bergk
meisters gerichtē antasten lassen / also
dz dē bergkmeister der abtrag beschee.

Ab sich auch sachen vnd czweytracht begebē /
die dem bergkmeister czu straffen / wie oben vor
meldt czustehen / vnd ab die that gleich an den en
den geschehe / da alleine dem bergkmeister von vn
sern wegen die gericht / vnd der antast czustehen /
dennoch sollen die gerichtshalder vff sant Anna
bergk / vmb meher frides vnd gehorsams willen /
macht haben an den selben endenn / freueler ader
vbeltetter anzutastenn / die in ire vorwarung czu
brenge / so aber die selben sachen / sollen abgetrage
werdē / sal der bergkmeister / wy vorberurt / den sel
ben abtragk von vnsern wegen annemen.

h

Der. L. iij. artickel. todschleger sollen
des berges ewigklich vorweist seyn.

So einer auff sandt Annabergk/ader den tzu/
gehorende bergkwerck ane nodwere / eynn todt
schlagt thut/ dem fall die stadt vnd bergkwerck/
ab auch die sach gleych vertragenn wirdt / ewyck
verbotten seyn.

Der zehendner Eyd.

Ich. N. schwere/das ich wil meynem zehē/
den ampt treulich vnd vleyssigk vorstehen. furst/
liche gerechtigkeit vnd der gewercken gutt/was
mir des ein czunemen vnd außz czugeben eingebū/
den ist/yederman seyn gerechtigkeit eygētlich ver/
sameln/redliche vnd gnugsame rechnung vnd
entrichtung dar von thun/meynes gnedigen her/
renn ordnung vestiglich handthabenn/die selber
haldenn/vnd wu ich dye vbergangenn befinde/
warnen vnd ansagenn/Keynerley nutz ader ge/
niesz/den der mir vonn meinem gnedigenn hern
czugelassenn ist/in dem allenn gewartenn / mich
auch / wyder dysz alles / Keynn nutz / gabe/gunst
freuntschafft ader feyntschafft bewegenn lassen/
sunder will solichs alles / nach meynem bestenn
vermogen halden/treulich vnd vngenerlich/als
mir got helff vnd alle seine heiligen.

Des Bergkmeysters Eydt.

Ich. N. schwere / das ich wil meinem gnedigē
hern Hertzog Georgen / getraw vnd gewerttig
seyn / das bergkmeister ampt treulich vnd vleyssig
vorweszen / seyner furstlichen gnadenn gerechtigt
keyt handthabenn / der gewercken vnd gemeins
bergkwercks nutz fordern / yedermā was sich vō
recht vnd billichkeit eygent gestatten vñ vorhelf
fen / meyns gnedigen hern ordnung allenthalben
handthaben / vnd selber / was mir darin vffgelegt
ist / vorbringen / alles nach meinem besten vorstet
nis vnd vermogen. Wil auch in dem allenn / keins
andern genieß / dan der mir vō meinem gnedigen
hern czugelassen ist / gebrauchen / vnd mich wider
dis alles / keynenn nutz noch gabe / gunst freunt
schafft ader feyntschafft bewegen lassen / als mir
got helff vnd alle seine heiligen.

Der Beschwornen Eydt.

Ich. N. schwere / das ich wil meinem gnedigē
hern Hertzog Georgen / getraw vnd gewert
tig seyn / seiner furstlichen gnaden / vnd gemeins
bergkwercks bestes fordern / schaden treulich vñ
vleyssig warnen vnd abwenden / meyns gnedigen
hern ordnung vestigtlich hanthaben / wu ich die
vbergangen befinden / warnen vnd ansagenn / dye
auch vnuerbruchlich selber haldē / alles nach meyn
nē hochstē vermogē in dē allē keins nutz ad genieß

20 4

dan der mir von meinem gnedigen hern / vnnnd in
seiner furstlichen gnade ordnung czugelassen ist
gewartten / mich von dem allen kein nutz ader gabe
/ gūst freuntschafft ad feintschafft nicht bewegē
lassenn. als mir got helff. vnd alle seine heiligen.

Des aufzteylers Eydt.

Ich. N. schwere / das ich wil meinem gnedigē
hern. Hertzog Georgenn getraw vnnnd gewer-
tig sein / seiner furstlichen gnaden vnnnd gemeyns
bergkwercks nutz fordern / schaden warnen vnd
abwenden / einem yedern sein aufzteylung / wie
mir die czugerechent vnd gereicht wirt / vnuermi-
ndert yber reichen / dar in nymade verkurtzen / sel-
ber auch darinne keins nutz / dan mir czugelasse
ist / gewartten / meyns Gnedigen hern ordnung
vestiglich halten / vnd wu ich die vbergangen / be-
finde / warnen vnd ansagenn / mich wyder disz als
les keynerley nutz gabe gunst freuntschafft ader
feintschafft bewegen lassen / sunder solichs allent-
halben nach meinem hochstē vermogen halten
trewlich vnd vngewerlich / als mir got helff vñ als
le seine helgen.

Des Bergschreybers Eydt.

Ich. N. schwere / das ich wil meinem gnedi-
gen hern Hertzog Georgē getraw vnd gewerttig
seyen / seiner furstlichen gnaden / vnnnd gemeyns
bergkwercks bestes trewlich vñ vleissig fordern /

schaden warnen vnd abwenden / meinem bergk
schreyber ampt treulich vorstehen / meins gnedigē
hern ordnung vestiglich halden / wu ich die vber
gängen befinde / warnen vnd ansagen / yederman
was mir aus krafft meines ampts eygent / geleistē.
darinne keyns andern nutz ader genyes / dā mir
czugelassen vñ geordnet ist / gewarten / mich da wi
der keynerley nutz gabe gunst freundschaft ader
feintschaft bewegē lassen / sunder wil solichs alles
nach meinem hochstē vermogen halden treulich
vñ vngenerlich. als mir got helff vñ alle seine heili
gen.

Gleichmeszigen eydt sal der gegenschrei
ber thun.

Der schichtmeyster eydt.

Ich. N. schwere / das ich wil meinem gnedi
gen hern Hertzog Georgen / getraw vñ gewerttig
seyn / seiner furstlichen gnaden vñ gemeins bergk
wergk's bestes treulich fordern / schaden warnen
vñ abwenden / vnd meinem ampt / so mir beuolhē
ist / vñd sunderlich meynen gewerckenn treulich
vorstehen / alles / damit ich iren nutz mit recht stey
gen vnd erzeugen magk vffs hochst vleyssigenn /
keynerley thun ader verhängen das mein gewerc
ken czu schaden ader nachteyl reichē / magk / mich
allenthalbē meins gnedigen hern ordnung vnuer
bruchlich halden / wu ich die vbergangen befinde
warnen vnd ansagen / keyns genies ader nutz. dan
so mir in meines gnedigen hern ordnung czuge
lassen ist / in dem allen gewartten / mich wider dis

L iij

alles kein nutz/gab/günst/freundschaftt ader feintschafft bewegen laszenn / sunder wil solichs alles nach meinem hochsten vermogen haldenn / alles treulich vnd vngewerlich. als mir got helfff vnnnd alle seyne heiligen.

Bleichmessigen eydt sollen die steyger thun.

Der huttenreytter Eydt.

Ich. N. schwere/das ich wil meinem gnedigen hern Hertzog Georgē getraw vñ gewerttigē sein/seiner furstlichen gnadē vnd gemeins bergtzwergts nutz vñ bestes fordern/schaden warnenn vnnnd abwendenn / meinem ampt treulich vnnnd vleissig vorstehenn/vnd vffsehen/das furstlicher/vnd der gewergten gerechtigkeit/mit schmeltzen nicht verkurtzt/treulich nutzlich vnd wol geschmeltzt/aller betrieg vnd vnrechter vorteil gemidē/mich des selber meiden/meines gnedigē hern ordnung allenthalbē vestiglich hanthabē/selber halden/vñ wu ich die vbergangē befinde/warnen vñ ansagen/keins andern genieß ader nutzes/dā mir czugelassen vnd verordnet ist/gewarten. Mich wil der dis alles kein nutz/gabe gunst freundschaftt ader feintschafft bewegen laszen/sunder wil dem allen nach meinem hochstē vormogen genug thū/treulich vnd vngewerlich. als mir got helfff vnnnd alle seyn heyligenn.

Bleichmessigen eydt sollē die hutteschreiber thū.

Der schmeltzer vnd abtreiber eydt.

Ich. N. schwere / das ich wil meinem gnedigē
hern Hertzog Georgē / getraw vñ gewertigt sein /
seiner furstlichē gnadē vnd gemeins bergkwercks
bestes fordern / vnd sunderlich meynem dienst mit
schmeltzen vnd abtreiben treulich vñ vleyssigē
genug thun / czu merung furstlichs zehenden / vñ
der gewercken nutz / mit meiner kunst bestē vleyssz
vorwendē / darinne gar kein gefeher betriegē vben.
ader ymandt czuthun / wissentlich vorhengē / meis
nes gnedigen hern ordnung / in allem das mir dar
inne czuthun eingebundē ist / festiglich haldē / kei
nes nutz ader genieß / dan szo vil mir czugelassen
vñ geordnet ist / in dē allen gewarten. Mich auch
keynerlei nutz gab gunst freuntschafft ader feints
schafft da von bewegen lassen. Sander wil dem
allen nach meynem hochstenn vermogenn / genug
thun / treulich vnd vngewerlich / als mir got helff
vnd alle seine heyligen.

Beschließ / darinne mein gnedigsten
hern anderunge vorbehalten.

Diese vnser ordnung / sal in allen artickeln bis
czu vnser voranderūg / die wir vns aus furstlicher
oberkeit alzeit czu thun vorbealdē vñ vñbruch
lich von yederman gehalten werden / vnd was in
dieser ordnung nicht begriffen ader auszgedruckt
ist / fall es bey gemeynem bergkrechten vñ
alder her brachter bergkwercks ybung bleybenn.

notu

Es sollen auch vnser amptleute hauptman bergk
meister vnd andere so von vns befehl habē / vleis-
sig vnd trewlich dar ob sein vñ vffsehen. Das diese
vnser ordnung vestiglich gehalten / vñd wu an-
ders befunden tegen yderman mit ernst gestrafft
werde / wu wir auch die selben vnser amptleut in
dem seumlich ader nachlessigk befinden / sollen
sie selber vnser schweren vñ ernsten straff gewart-
ten. Vnd diese ordnung ist beschlossen vñd vor-
kundiget Montagk nach sant Blasius tagk. nach
Christi vnzers herni geburt funffzebenhundert
vnd im neunden iar.

Hirnach volgen etliche name artickel / vñd
erclerung etlicher artickel der erst gestelten orde-
nung / welche er nachmals außgegangen / vñ auff
fürstlich gescheffte öffentlich sein angeschlagen
worden.

Die czechen ane sunderliche czulassun-
ge des bergkmeisters / sollen nicht an-
ders dan bergkleufftiger weisse vñ mit
einē hewer bauhaftigk gehaldē werde.

Wir Georg vonn gots gnadem Hertzog zu
Sachsen. Landtgraff in Doringen. vñ Marg-
graff zu Meyssen. Thun kundt allen die sich vn-
sers bergkwercks zu sant Annaberge / vñ der an-
hangenden gebirge / gebrauchē. Ab wir wol / mit
guter betrachtung ordnung gestellet / wie obge-

nante bergkwerck sollen gearbeyt vnnnd gehalten
werdē / darinnen vnder andern begriffen ist. Ein
itzliche czeche / bergkleuffriger weyse in bewlich
em wesen czuhaldē / nichts weniger wirdet in dē
viel mißbrauch befunden. Sunderlich das an vil
enden. die czechen mit cleiner arbeyt gebawet wer
den. Vñ wollen doch damitte vnser ordenüg vol
ge gethan habenn. dauon gemeinem bergkwerck
vnnnd vns an vnserm nutze / nicht wenig nachteyl
entstehet. Solchs czuuoorkömen / setzen vñ ordnen
wir / das nun hinfurder ein itzliche czeche / ane vn
sers bergkmeisters czulassung / nicht anders / dan
bergkleuffriger weysze / sal gebawet vnd czun
nigsten mit einem hewer / der sunst vmb lone
andere bergkarbeit vorime habe. sal gehalten wer
den. welche czeche aber der massen / nicht gehalten
wirdet / sal in vnser freyes gefallen seyn. Dornach
sich ein ieder habe czurichten. Hebenn czu Dres
den vnder vnserm Betschyr. am Mitwoch nach
sant Simon vñ Judas tagk der heiligen czwelf
poten. Anno dñi zc. xv. hundert. decimo.

Dis ist auff sant Annaberge angeschlagē
wordē. am tage Martini. Anno vt sup.

Das sich ein yeder bergkmeister vñ ge
schworn / was sy eintrechtlich beschlif
sen beyn pene. xx. margk silbers solle
weysen lassen.

Wir George vonn gots gnaden Hertzog czu
J

Sachsen. Landtgraff in Doringen vñ Markgraff
graff zu Meyssen. Thun kunt allen / die sich vn-
sers bergkwercks zu sant Annaberge / vñ der an-
hangendē gebirgē gebrauchē. Wiewol wir vnserm
bergkmeister alhie auff sant Annaberge / acht ge-
schworne bergkvorstendige māne / die wir terlichē
mit mergklichen gelde vorsolden müssen / czuges-
ordnet / vleißig auffsehūg / auff die bergkwerge czu
haben / das die nutzlich vñ wol gebauet. Vñ was
gebrechē czwischē czechen / vñ leuten. So dy berg-
werge bawen / als vō wegē wasserstewer / schacht
stewer bergkforderūg vñ andern / das czuuoerhīn-
derung der bergkwerge der gewercken nutz / vñnd
vnser czehenden reichen mochtē zc. vorsielen.
Das sie die lewte nach yrer achtung vñ vleyssiger
besichtigung / sollen czuscheiden habē zc. So kom-
met vns doch glewlich fur / das sich etzliche dar
Inne / yrer weysunge widersetzen / des wir keynen
gefalle tragē / auch nicht leyde können. Vñ des we-
gen wir aus redlichē guten beweglichen vsachen
ordnen setzen vñd wollen / das sich ein yder hyn-
furder die bergkwerck bawende / des bergkmeis-
ters vñd der acht geschwornen weysunge / der sie
sich eintrechtlich voreiniget. Die sie itzt / in obbe-
rurten fellen gethan. ader furder auff notdurfftis-
ge besichtigung thuen wurden vngeweggert / bey
einer pehn czwentzigt margk silbers vns vnnach-
leslich / vorfallen czusein / halden sollen. Vñnd ap-
ymande beduncken wolde / das er durch vnser
bergkmeister vñd der acht geschwornen eintrech-
tige weysunge vnbillicher welsz beschwert / vñd in

schedē gedrungē wurde. Der aber dy selbē/nichts
desterweniger/sich berurten weysunge / vngenege
gert halden. Vnd als dan / sal einem ydem czugel
lassen vnd vorbehalten sein. Seine beschwerunge.
warumbe er vormeint vnbillicher weisse durch ge
welthe/weysunge des bergkmeisters vnd der ge
schwornen/beschwert/vnd in scheden gedungen/
sulle seynn / czu erlangunge widerstattung/seynes
scheden an vns czu tragen. So wollen wir vorfu
gen/wes er czur vnbilligkeit beschwert / das yme
solchs erstadt sal werden.

Schichtmeyster sollen die gewerckenn
mit dē czubussen nicht auff sich nemē/
vnd mit barem gelde lonen.

Vnd wiewol wir vorhīn / in vnser gesteltenn
ordenūg/ den schichtmeystern/gute maß gegebē/
Wie sie nach einer yden rechnung / die angelegten
czupussen/einbringen sullen/auff das sie den erbe
tern czu lonē hettē. So werde wir doch gleublich
vnderricht/das dadurch/das die schichtmeyster
etzliche vorleger / vnd gewerckenn/mit den czu
pussen auff sich nehmen. die selbigen czupussen
vorzoglich gegeben/vnd den arbeytern vbel ge
lohnet wirdet. Dadurch auch bosze arbeyt ge
schihet/das alles gemeynem bergkwerge vnd czu
uorhinderūg vnser czehnden reychet. vō des we
gen wir ordnē/setzen vñ wollē/ das nu hinfurder/
ein yder schichtmeister/welcher einige vorleger ad

J ij

gewerck / auff sich nemen will / der sal sein gelt vor
den selbigen vorleger ader gewercke. so er auff sich
genömen darstreckenn / den arbeytern auff y dem
lontag vnuorzuelich lonen / vnd einem iden seinē
lon / mit parem gelde / vnd nicht mit ware entrich
tē. Wurde aber ein schichtmeister vber das / ymā
des mit der czubus auff sich nemen. Es were vor
leger ader gewerck / vnd den arbeytern so das Ret
ardat vorschienen / auff y den lontag / nicht mit pa
rem gelde / vnd sunsten / mit einicher andern ware
lonen. Sich damit entschuldigen wollen / das er
die czupus auff sich genömen / vnd nicht einbrin
genn konde / der selbige schichtmeyster / soll seines
ampts von stundt an entsatz / vnd forder zu key
nem ampte gebraucht werdenn / bey vormeidung
vnser ernste straf. Nette aber einich vorleger / ader
gewerck / außbeut bey dem außteyler stehēde / die
er vor zeit des retardats czu vorlegung seyner teyl /
nicht bekömen konde. Damit sal es inhalts vnser
vorgestellten ordnung gehalten werdē / darnach
sich ein y der habe. czu richten. Begeben vnd ange
schlagē auff sant Annaberger / am Mōtage nach
Erhardi. Anno dñi. xv. hūdert. vñ im. xij. iare.

Wie es nuhehinfurder mit den schul
digern solle gehalten werden.

Es soll auch nun hinforder / keynn einwoner
hauszgenosz. ader czukömeling / auff sant Anna
berg / einicher schuldt / so er andern czu bezalenn
schuldigt gefreyet sein. Allein sal den selbigen alle

czu yren teylen. So sie alda erarbeiten / auch czu
iren aufzteylügen / bis sie dy in yre gewere beköme
nicht vorholffen werdenn. Es were dan das dye
schult auff dem berge gemacht / ader vō den teylē
des bergkwercks dar keme / in dem falle / fall yne
befreyung / nicht czugute komen.

Dieser artickel ist auß beuel fürstlicher gnadē
hieran gehangen / vnd eingeschrieben worden. am
freytage nach dem Sōtag Lātate. Anno. xv.

Georg von gots gnaden Hertzog czu
Sachsen / Lantgraff in Thüringē / vñ
Marggraff czu Meyssen.

Allen vnd itzlichen Bergkleuten / Lehentres
gern / schichtmeistern / vñ gemeinlich allē andern
die sich der bergkwerge / auff vnd vmb sant Anna
berge gebrauchen. Liebē getrawen vñ besondern.
Es gelanget vil vñ manchfeldiglich an vns / das
vnsere bergkordenūge / die wir vorschiner czeit ge
meinem bergkwerck vnd euch allen czu gute habē
auffgericht / vnd außgehen lassen / in vil stucken /
puncten vnd artickeln / aus freuelicher vorachtūg /
vbergangen vnd gemiszbraucht werdē sülle. Dar
aus angezeygtem vnserm bergkwercke / auff vnd
vmb sant Annaberg mercklicher vñ grosser schas
den teglich erwechst. Nach dem wir aber solchen
schaden czuorkōmen vñ gemein bergkwerck / vn
sers höchsten vermogēs czufurdern geneigt / sein
wir vorursacht wordē / etliche artickel angezeygter

J iij

vnser vorlger ordnung/ezuercleren. Auch etliche
von newes czustellen/vnd offentlich außgehen vn̄
anczuschlagen lassenn. Dad urch solcher schade
moge vorkomē/vn̄ der ihenigē die angezeigte vn̄
ser bergordnung bisz anher vbergangen/mutwil
lige gebrochen vnd gestrafft/auch ein yder sich vor
schaden czuhutten gewarnet. Vnd niemādt /sich
mit einicher vnwissenheit/czu entschuldigē habe.
Ober welchen allen articckeln vnser amptmann/
bergmeister/vnd andere den es geburet/vleissig
lich halden sullen. Vnd ist vnser ernste meynung
vnd beuhel/wie volget.

Wie mā sich kegē den schichtmeistern/
so den gewerckē im rest schuldigē blei
ben / ader aus dem czehēden czu wil ge
haben/halden sal.

Erstlich/nach dem es vil vn̄ oft beschehē/das
etzliche vō dē schichtmeystern/nach gethaner yrer
rechnūge/den gewercken im rest / ein mergliche
sūma schuldig bliebē. Welcher schuldt dy gewer
cken vō den schichtmeistern / in keinem wege/be
czalung habē bekōmē/noch erlangē mogē. Hier
umb ist vnser ernste meynūg vnd beuel. das vnser
bergmeister vber die ihenigenn/die vmb solche
schuldt vor yme beclagt vnd vngenommen wer
denn. schleunig hulffe thun sal/vnd welche mith
rustiger bezalūg nicht geschickt/die sal er gefenck
lich setzen/vn̄ nicht aus gefengnis kōmen lassen.
Es sein dan die clageden gewercken/yrer aussen

stehēdē schult / gētzlich vñ gar vorgeuget wordē /
die selbigen sollen auch hinfur czu schichtmeyster
ampfe nicht mehr gebraucht werdē. In welches
schichtmeysters rechnūge vornargkt / ader befun-
den wirt / das er aus furstlichem czehendē mehr
geldes genōmen / dā das selbig Quartal auff sey-
ne czechē / auff bergk vñ huttekost / gelauffen ist /
Der selbige schichtmeister sal von stūdt gefengk-
lich angenomē / vñ ernstlich darūb gestraft werdē.

Die schichtmeister sollē den gewergkē ir
gelt / was sie noch im vorrathe habē / bar
aufflegē / vñ so der vorrath nicht befun-
den / wes mā sich gegē ine halden fall.

Es sollē auch alle schichtmeister / in esner yden
rechnung. alles gelt / souil den gewerckē / czu vber-
lauff vnd im vorrathe bleybet. Was des nicht in
furstlichem czehendē / auch wissentlich vorhandē
ist. Als balde ire register rorrecht werden / auff
vnuerwandten fuesz alzeyt / bar nider gelegt. Wel-
cher aber solchs nicht thun / vñ sagen wurde. Er
het es an eyszen vnzlet bley / vñ der gleichen vorra-
the vorhandenn / solchs sal als baldt besichtiget /
vnd eygentlich erkundet werdenn. Vnd so der
vorrath nicht befunden / so soll der schichtmey-
ster / an alle nachlassung czu stūde / angenōmen / ge-
fenglich gesatzt. vñ so lang bis er bezalung thue /
In der Lymnitz wol bewart / enthaldē. vnd auch
furder czu schichtmeyster ampt nicht mehr ge-
braucht werden. Derhalben wisse sich ein yder
vor schaden czu hutten.

Wie man mit den setzen in bergtsache
verfarn solle.

Als auch die bergtsachen / die zu rechte ge/
deyhen / durch die parth. auch der selbigen Procu/
ratores / zu czeytten in mutwilligen vorzuck ge/
stellet / dadurch die parth / in vorgebliche vnkost/
schedē vñ expens gefuret / auch das gemein bergt/
wert / mergtlich dadurch verhindert wirdet.
Solches alles / zuuorkömē. Setzen vñ orden wir /
das nun hinfur alle bergtsachen / welche zuuorn
durch vnsern amptman vñ bergtmeister vorgewā/
ten moglichen vleis / nicht mogē entscheidet nach
beygeleget / die sollen nachuolgēder weisse zu re/
chtlichem austragē verfasst werdē. Also das eynn
yder parth / nach der vorfassunge / vierzechen tag /
sich mit Aduocatē Procurator vñ andern zu/
schicken / zeit vñ frist haben sollen / vñ nach ausz/
gang der vierzechen tag. Sal der cleger vff den ne/
chsten tag darnach / seine clage geczwofacht einle/
gen. Darlegē der beclagte seine antwort ader an/
der rechtliche notdurft / auch in einem tag einbrin/
gen sol / vñ also furder einen tag vmb den andern /
bisz so lange / das ein yder teyl / drey setze einbracht
damit sie dan sollē beschlossen haben. Es wurde
dan im letzten satze / newerung gespuret. So sal
dem andern teyle / seine notturfft / den folgenden
tag darlegen zusetzē / auch nach gelassen werdē.
Wurde aber auch ein teyl / mit zwey setze auff/
horen wollē. So sal dem andern mit satze / zu
seiner notturfft / damit nicht sein / vñ sol /

len als dan/wan die parth ire notturfft/wle ange
zeigt einbracht vnd czum rechtē beschlossenn/dye
selbigen setze geczwofacht vnd vorpertschiret/bene
ben dem vteyl gelt als balde recht daruber czu
sprechen vorschickt werden.

Wye vil man procuratores haben magt/
vnd wie sich die halden sollen.

Es sol auch hinfur ein parth/nicht mehr dan
ein Procurator/czu seiner sachen vorsprechen ader
gebrauchen/vñ die selbigen Procuratores sollen
sich vnnutzes geschwetzes auch einer den andern
wie sie biszher gepfleget/czu schimpffen vnd mit
vorgeblichen ader vnnotturfftigen wortē/in yrem
setzen czu vbergebē enthaldē. Welcher aber solchs
vbergehen/vñ anders halden wurde/den sal vn
ser amptman nach grosse seiner vbertrettunge/in
straffe nemen/vñ in keinem wege vngestraft laszē.

Wie sich die schichtmeister in angebü
ge irer czechen halden/vnd die selbigen
fur recesszen sollen.

Es sollenn nun hinfur. wie dann czuuoꝛ auch
aufzgeruffen/alle czechen lehen vñ massen/welche
vnuorrechent vñ nicht vor recess/befundē in furst
lich freyes geuallē/vñ einem yden czu muthen/vñ
auffczu
Hirumb so
ber der czechē/

r schichtmeister/vñ inneha
ber der czechē/

R

sampt allen lehen vñ massen / die dartzu auffgenom-
men seyn. Auch die andern czechē. so er dar neben
inne hat. vñ bauet / ader auß czugelassner freyheit /
des bergkmeisters / bauhaftig heldet / namhaftig
angebē / vorrechen vñ vorrecessen lassen. Dadurch
mēiglich wissen / was gebauet ader bauhaftig
gehaltē / vñ das ihenige. so sich czu quatēber. gelde
vñ andern zu gebē gepurt / moge einbracht werdē
Wu aber ein schichtmeister / die auffgenomen czu
gehorede lehen / ader massen / einer yeden czechē /
die er inne hat / in der rechnung nicht namhaftig
machē / vñ doch befundē wurde / das sie gebauet
vñ bauhaftig gehalten / vmb solche vorseunligkeit
So offft vñ welchen das geschicht / sal der schicht-
meister / vñ einer yeden czechē funff guldē czu peen
vñ busse gebē. ader vierzehē tag auff sein kost / in
der Lymnitz / gefenglich enthaldē werdē. Wur-
de aber ein schichtmeister / ader innehaber der
czechē / seine czechē lehē ader massen / czur czeyt /
yrgēt ein quatēber / gantz nicht vorrechē / nach vor-
recessen / die sollen wie oben berurdit / in furstlichs
freyes gefallen sein. Vñ ap die von ymande gemu-
tet / vñ auffgenomen / das sal er fug / vñ recht ha-
ben / vñ dar bey bleyben. Vñ die vorigen gewerck
sollen vñd mogenn / sich yres schadens an yrem
schichtmeister der solchs vorlasset erholen.

Wie man sich kegē den schichtmeistern /
so in yren registern geirret / halden sal.

Vñ als auch / in czeyt der rechnūge / in regist-

stern der schichtmeister vñ vnuleys vñ nachlessig-
kayt gespuret. Derwegē die beysitzer / vñ verhozer
der rechnūgen / hohen vleysz / vñ gut eygēlich auff
sehen vnd achtung haben müssen / das solchs den
gewercken nicht czu nachteyl reychte. Dierumb sal
nun hinfur ein ithlicher schichtmeister vonn dem
wenigstē punct / der in seiner rechnūg yrrig befūn-
den / ader durch seyne vnuleys vnrecht eingeschrie-
ben. So oft das geschiecht eynen groschen gebē /
den sollen die / so die rechnūge horen nicht nach-
lassen. Wu aber solcher vnuleys / irrige vorsetzūge
vñ gebrech / in der schichtmeister rechnūge aus be-
triegk / vnd den gewercken czu schaden vormarckt
wurde. Der selbige schichtmeister / sal nach inhalt
vnd vornoge vnser furstlichen ordnūg / gestrafft /
vñ hinfur czu schichtmeister nicht gelassen werdē.

Wie es mit den kōmern sal gehaldē werdē.

So sich auch ymandt kōmmers vnderstehen
wurde / sollē sich der bergmeister vñ die geschwor-
nen / sampt denn markscheyder der sachenn er-
kunden / vñnd so sie befinden / das einer seins kō-
mers nicht fug noch guten grundt hat / sollenn sie
yne dauon abweysen. Wu sich aber der selbte be-
melte vnser bergmeister geschworne vnd mark-
scheider nicht wil weysen lassen / vnd endtlich bes-
funden wirt / das er seins kōmers nicht fug noch
grundt gehabt / Sal er vmb czwenzigk margk syl-
ber / inhalts vnser furstlichen ordnung vnablesz-
lich / darūmb gestrafft werden.

R ij.

Erclerunge des. xxij. artickels der erst
gestelten ordenungen.

Nach dem auch in vnser furstlichē bergford-
nunge. im czwenundczwenzigstē artickel/ vormel-
det worden / gewercken in yren massen/ stollenn/
streckē ader sunst mit andern gebewen/ gēge ader
clufft vberfahren zc. die sal der bergkmeister nicht
vorleihē. Er hab dan solchs den gewercken / ader
sren vorstehern die sy vberfahren/ angesaget zc. Er-
clerē wir diesen artickel/ das solche vorkundigūg/
nicht meher dan einmal/ bescheen sal. Wo sich als
dan die alten gewercken/ nach vormeldūg desselbi-
gen artickels nicht halten/ sol dem selbigen artic-
kel gelebt werden.

Erclerūge des. xxvij. artickels der erst
gestelten ordenūge belangende die
fristungen.

Als auch im. xxvij. artickel/ bemelter vnser or-
denunge vorhut/ das der bergkmeister nicht meer
dan czwir fristunge geben sal. Erclerenn wir den
selbigenn artickel/ er hette dan gnugsame vsache/
welche durch yne vnd die geschwornen/ vor gnugē
angesehen wurde. Als dan so mochte er wol mes-
her fristungen geben. Doch also/ das solchs auch
die vsache darneben/ in die bucher vorzechent/
vnd eingeschriben werden.

Wie des amptmans vñ bergkmeisters
nachlessigkeit sal gestrafft werden.

Über allen obgeschriebnen/auch andern pū/
cten vnd artickeln/in vnser furstlichen bergkord/
nung/begriffen/Sollē vnser amptman vñ bergk/
meister/getreulich halden/das die selbigen nicht
vbergāgen werden. Wu aber solches beschehe/vñ
an bemelten vnsern amptman vnd bergkmeister/
dasselbig czuuo:kōmen/vnd sich mit straffe darke/
gen czu beweyssen/nachlessigkeit gespuret wurde/
Sal itzlicher so offft das geschlecht czehen gulden
czu peen/vnd busze bey vnsern czehēder einlegen.

Der schichtmeyster busse/so sie sich in
der rechnunge furstlicher ordnung
nicht halten.

Wu auch hinfurdt/bey einem schichtmeister
gespurt wurde/das er sich mit seiner rechnūge/vñ
ser furstlichen bergkordenūg/nicht haldē wurde.
Der sal czehen gulden/czu peen vñ pusz gebē/ader
vierczehen tag/in der Lymnitz gefenglich ent/
halden werden.

Keyner sal ane erleubnis des bergkmei/
sters dem andern in seine czeche farn.

Es sal auch hinfur keiner/dem andern in sey/
ne czechē faren/wider bei tag noch nacht/Er hab
be dan des bergkmeisters erleubnis/vnnd bring

R iij

des ein zedel/des bergkmeisters schreybers hāt/
schriefft mit des bergkmeisters petschaft besiegelt
Wer es hiruber vnd ane das thuen wurde. der sal
an leyb vñ gute hertiglich darüb gestrafft werde.

Beschluß.

Obgeschriebne artickel/sampt allen andern/so
in vormals auffgerichter vnser fürstlichē bergkord-
nenüg begriffen. Wollen wir einen yeden der sich
der bergkwerck/ auff sant Annaberg vñ daselbst
vmb gebraucht/stete vest vnd vnuorbruchlich ge-
halten habē / bey vormeydüg angezeygter penen
vnd bussen. Auch andern vnsern schwerē straffen
vñ vngnade/die wir vns hirmit vorbehalte. Des
czu verkündt/haben wir die selbigen neuen artick-
kel/in angezeygte vnser bergkordenüge/czuschrey-
benn / auch öffentlich anzuschlahen/befolhenn.
Mit vnserm auffgedrucktem Secret besiegelt / vñ
geben zu Dresden Donnerstags nach Vincentij.
Anno 2c.xv.hundert.xvi.

Volgen etlich artickel belangende das
schmelzen / vnd die ienigen so darczu
gebraucht werden/wie sich die halde
sollenn.

Nach deme vns vonn gots gnadenn / Georg
hertzog zu Sachsen 2c. der huttē halbē mächer/
ley gebrechen furkōmen/die den gemeinen gewer-
cken zu schaden reichē sullen / wohn wir das alle

huttenschreiber / vnd vorsteher der hutten / Eyde
vnd pflicht thuen / vns den hutten hern / vnd ge-
wercken / getrew vnd gewertigt czu sein / eynem
yeden czu seyner gerechtigkeit.

Es sol auch keinem schichtmeister / die huttes
kost / yber vierwochen geporget werden. Es were
dan das er gnugsame vsachen hette / vnd die den
huttenreytern ansaget.

Es sal auch kein liebnus nach geschēcke / ader
wie das mag genant werdē / gegeben. Damit einer
dem andern / die gewercken / widerspenig macht /
vnd czu sich czencht.

Es sullenn auch nun hinfur alle huttenchrey-
ber / alle vier wochen / vor vnser huttenreytter kō-
men / vnd yre schuldt angeben.

Vnd dieweil sich die gewercken / mit dem ge-
ringen ertz wie vns furgetragen / beclagen sullenn /
das yne die schicht czu kurtz gemacht zc. Darūb
wollen wir / das den selben / auch wer es sunsten
begert / das khol gemessen werde / vñ wo sies habē
wollen / sal der schmeltzer acht stunden setzen.

Es sal auch nun hinfur nymands keinē ofen
vermittē / ader einzeln verkauffen. Besonder wer
verkauffen wil / der ader die selben sullenn dy hutte
gantz verkauffen / bey vormeydung / vnser vngnad
vnd schwerem straffe / dan es mochte mancher
schmeltzen / der doch kein ertz hette.

Wer auch das Ehol/will gemessen haben/dem
sal er vmb die satzung wie czu uorn vorordent/vnd
vō dem hauffen/wie der leyt ybergemessen werde.

Wir wollenn auch das nun hinfur keiner an/
fenglich/anlassen nach schmeltzen sal/Es sei dā
das ers czu uor vnsern huttenreyttern ansage/die
haben von vns beuelh/wie sie sich darinne haltē
sollen/czu uor hutten den betrigk/der vns czu mehr
maln vorhin begegnet ist.

Es sal niemands/mit einem ofen czu schel/
chte czu schmeltzen gestattet werden/Es gescheh
ge dā durch czulassungē/vnser darczu verordēten.

Vnd wer dieser vnser ordnung/nicht geleben/
die vbergehen vñ nicht halden wirdet./Er sey vor/
steher der hutte/huttenschreiber/ader schichtmel/
ster/der vnd dieselbigen/sollen in vnser vngnade
gefallen/an leib vñ gutte gestrafft/Vñ darczu vol/
gende czu keinem ampte mehr gesatzt/nach ge/
brauchet werde. Mit vorbehalt/das wir nach vn/
serm geuallē/andere an derselben stelle/wollē czu/
setzen haben./Ezu verkundt mit vnserm hierundtē
auffgedrucktem Secret/besiegelt. Gebē auf sant
Annaberger / Montag nach Laurētij. Anno. xvi.

Das mā ane sūnderlich erkentnis vnd
erleubnis bergkmeyster vñ geschworn
Keyn sal am steyne stehen lassen.

Wir Georg vonn gots gnadenn Hertzog czu
Sachsen/Landtgraff in Doringen/vñ Marg-
graff czu Meyssen. Thun kundt allermēniglich/
Nach dem vns furkompt das zuuiel maln/vonn
etlichen ertz in czechen treffen/welchs von den sel-
bigen/vorsetziglich ane vrsachn/am steine gelaßē/
vñ nicht gewōnen wirt/da durch vnser furstlicher
czehendt/nicht gefurdert. Auch ander betriege vñ
nachteyl/gemeiner gewercken/da durch czu besor-
gen. Derhalbē gepieten vñ schaffen wir/das nun
hinfurder keiner kein ertz/am steyne stehen sal las-
sen/Es were dan/das es mit schaden der gewer-
cken/muste gewōnen werdē. So sal es dennocht
dem bergkmeister vñ geschwornē angezeigt wer-
den/die sollen die ortte besehen/vnd wu sie befin-
den das solchertz/nicht ane nachteyl der gewer-
cken/mag gehawen werdē. So sal der bergkmeys-
ter ein czeitlang/frist darczu gebē/in welcher czeit
der nachteyl/mag auffgehoben/vnd als den das
ertz gehawen werdē. Wurde aber daruber/indert
ertz am steyne befunden/das also vorhalden/das
sal der bergkmeister/czu vnsern nutze in vnser kās-
mer hawen/vnd antwortten lassen/vnd sullen die
gewerckē/an die so solchs verhalten. sich ires scha-
dens czu erholen geweist werden ꝛc. Heben/vn-
ter vnserm auffgedrucktem Secret. am Sonna-
bent nach Lamperti. Anno ꝛc. xvi.

℞

Vorclerunge eyns obm gestelten artic/
kel meldende / wie mann auff die vor/
furten beweyfungen mit den setzern
vorfarn solle.

Wir Georg vonn gots gnadenn Hertzog zu
Sachsen. Landtgraff in Doringē vnd Margk/
graff zu Meyssen. Bekennen hiermit vnd thuen
kundt. Nach dem / vnd als wir vorschiner czeit /
ein ordnung haben außgehen / vnd öffentlich an
schlahen lassen. Meldende wie vnd in was czeit
die parth / so alhie auff diesem bergkwerck / im
bergksachen / zum rechten vorfast werdē / ire setze
einlegen sollen. Vñ bey solchem artickelein czwei/
fel furgesfallen / Ob angezeygte vnser ordnung /
in geczeugnissen. so die in bergksachen vorfurt pub
licirt vñ eroffet / vnd den setzen. so man darauff ein
czupringen pfleget / des articckels halben / auch also
stracks solle gehalten / vnd der selbigen nachgegā/
gen werdē. Dieweil dan die geczeugnis / zu meer
maln vast langk / das nicht moglich die selbigen /
also in kurtzer czeit / ab czuschreyben / abschrieffen
den partheyen czuuberreichen / vnd solche geczeug
nis notturfftiglich czu besichtigen. Auff das aber
den partheyen / hieraus an eins yden gerechtigkeit
keine vorfurtzerung erwachssenn dorffe / habenn
wir vorgezeygte articckel erkleret. Als wir yne auch
hiermit nachuolgeder maß ercleren vnd Decla/
rirn in crafft dis brieffs. Vnd wollen / das hinfur
wann ein geczeugnis vorfurt / Publicirt vnd er

offent/das dieselzer vnd kunfftiger vnser amptleu-
te/die selbigen geczeugnis / auff furderlichst ab-
czuschreyben / vnd die abschrifft den partheyenn
czu vbergeben / verfügen sollen. Vnd wan solchs
beschehen / soll der ihenige / so wider das geczeug-
nis Exciplin wil / vom tag erlangter abschrifft /
auff den funften tag / seine Exception czwofach
einbringen. Es were dan / das auff den funften
tag ein Sonntag / ader ander gepotenn feyertag
gefalle. Als dan so mag er mit dem einlegen / bis
auff den nechstuolgenden tag vorzyhen / vnd sal
ymie vngeferlich seyn / vnd sal seynem widerteyl
die eyne abschrifft czugestellt / der vom tag erlang-
ter abschrifft / auff den funften tag sein Replica
dargegen / auch geczwofacht einbringen. Damit
es gleycher weys / wie vormeldet soll gehalten
werde. Vnd also furder bis so lange / von yedem
teyle drey setze einpracht / als dann wu im letzten
satze / nichts nawes einpracht / sollenn die setze
czuorsprechen / geschickt vnd abgefertigt werde.
Bepieten hirauff itzigen vnd kunfftigen vnsern
amptleuten / vber diesenn vnsern furstlichen ord-
nung vnd Declaration / festiglich czuhalden / auff
das der selbigen gelebt vnd vnabbruchlich / nach-
gegangen werde / vnd auff das sich / auch ein yder
dornach czurichten / haben wir die selbige / vnder
vnsern ifurstlichen Secret / offentlicht anschlas-
gen lassen. Beschehen auff sant Annaberge / Ad-
tags nach Jubilate. Anno 2c. xviii.

L ij

Artickel/wie es mit den Kupfersilbern
vñ czechē/ so in dye stollē nicht erschla
gen wollē/ solle gehalten werdē. Frey
tag nach Erhardi. Anno zc. xix.
ausgangen.

Nun hinfur sal man vō Kupfersilbern / welche
vber eyne margk halden / im czechinden keyne huts
tentkost abrechen.

Itē wu die czechen noch erkentnis des bergk
meisters in die stollen nicht wollen erschlagen / sal
den stollenern hinfur nachgelassen sein / in der czech
hen zuerschlahen / vnd was sie also ertz erhaben /
da von sollen die stollener den czechē nichts zuge
ben schuldig seyn.

Artickel / so durch vnsern gnedigē hern
Hertzog Georgē obgenant auff Din
stag nach Exaltatiōis sancte Crucis
Anno zc. xix. zu gedeyen der Bergk
werk gestellt vnd vorordnet.

Wir Georg vonn gots gnadenn Hertzog zu
Sachsen. Lantgraff in Doringen / vnd Marg
graff zu Meyssen. Thun kundt allermēiglich /
so diesen vnsern brieff sehē ader horen lesen. Nach
dē vñ als wir ytzo / hier auff sant Annabergk kō
men / vnd allerley myszbrauchung / vnuleys / vnor
denung / vnd andere gebrechen befunden / welche
vnserm bergkwerk zuabuemung vñ gemeinen

gewercken czubeschwerung gereicht / Auch mith
der czeit / wu solchen nicht vorkomen / die selbigē
in meher schaden vnd vorterb / mochte gefuret ha
ben. So wir aber solchs vnd alles anders / das ge
meynem bergkwerck czuschaden gereichen magt
czuvorkomen / auch das dodurch das selbige / yn
steygen / czunemen vnd erhebunge / komen magt /
czufordern genaygt. Haben wir die selbigen ges
brechen / czu wandeln vorgemein / vnd nachfolgē
de artickel / orden vnd stellen lassen / die wir auch
hiermitte / vnd in crafft ditzs briues / orden vnd
stellen / Allen vnd yeden vnsern ytzigen vnd czu
kunfftigē / amptleuten / bergkmeystern / geschwor
nen / huttenhern / schichtmeistern / steygern / erbes
tern / vñ allen andern / auch eynem ytzlichen in sun
derheyte / hiermit ernstlich gebittenden / die selbi
gen vnser gestelten vnd geordneten artickell / Wie
die selbigen hirnach volgen / vnvorbruchlich czu
halden / vnd vleyssig achtung darauff czugebenn /
das den selbigen vnnachleszlich gelebet / vñ nach
gegangen / auch die ihenigen / so sich die czu vber
gehen vnderstehen würdē / nach vormoge derselbi
gen / ernstlich darumb gestrafft vnd gebussset wer
den / bey vormeydung vnsern schweren straff / vnd
vngenade / darin die ihenigen / so dis vnser ges
bot / vorachtiglich vbergehen wurden / sollen ges
fallen sein / vnd vnnachleszlich ane alle genade ges
trafft werden.

L iii

Vnd wollen ernstlich/das bergkmeyster vnd geschwornen/nuhe hynfur vleyssiger/dan sie bisz anher gethann/die gebirg/czechenn/stollen vnd strecken/befaren/vnd vleyssigk auff sehen haben sollenn/domit die selbigen czechenn/stollen vnd strecken/mit berge nicht vorstortzt werden. Vñ so sye yemandt befinden/der diesen artickel vorechtiglich vbergehen/vnd die czechenn/stollenn/ader streckenn/ane yre czulassung vorstortzenn wurde/der fall ernstlich darumb in straffe genomē werden. So sie aber auch nicht vleyssigk czusehen/vñ solche befunden/wollen wir vns der massen/mit straffe/kegenn yne erzeygen/domit sie/das wir yres vnflaysz keyn gefallen tragenn/czubefindenn habenn.

Ezum andern/Nachdem wir bericht/das sich etlich/eyner nawigkeyt/vnd mit den hewren gutten montag czuhalden vnderstanden/wollen wir solchs allen schichtmeystern/steygern/erbettern/vnd andern/hiermitte ernstlich vorbotten haben. Auch wollen wir/das bergkmeister/vnd geschwornen/vleyssigk achtunge hierauff gebenn sollen/vnd so yemandt befundenn/der sich solchs en gutten montag/ader eyne andern vnczymlichen feyertag czuhalden/vnderstehen wurde/Ist es ein schichtmeister/ader steyger/So fall er den gewercken/eynen wochen lohnen vorfallen seyn/abgeleget/vnd nymmermeher czu schichtmeister ader steyger gebraucht werden. Ab aber solchs

an erbetern / gesucht / vnd sie durch bergkmeyster /
geschworne / schichtmeyster / steyger / ader andere /
guten montag ader andere byerczechen / czuhalt
den gedrungen wurden / sollen sie solchs vnserm
amptman ansagenn. vnd welcher erbeter / das
nicht thut / soll abgeleget / vnd am leybe gestrafft
werden. Vnd ab sich die selbigen / darnach ann
yne wolten rechen / vnd sie ablegenn / ader sunst
beschweren / wollen wir sye schutzen vnd handt
haben lassenn. Wu aber auch des bergkmeysters
der geschwornen / vnuleysz / ader das sie / wie vor
meldet / solchs selbst treyben werden / vnd des the
nigen / so yrer byerczech / außwarten / furdertlicher
dan andern / gedinge gebenn / gespuret vnd bes
fundenn wurde / wollenn wir sye / nach dem sie
solchs vorhatten sollenn / so vil hartiglicher / dar
umb an leybe vnd guthe in straffe nemen.

Zum dritten / wollē wir gnediglich nach
lasszen / das eyn yeder erbeter / bey seyner weyle
schurffen / auff nawen bewen / vnd erbeten moge.
Wu sye aber alde czechen arbeytten wollenn / Do
mit soll es / nach ordnung des bergs / vnd wie
man sunst pflaget czu arbeytten / allenthalben ge
halten werden.

Zum vierden / wollen wir gnediglich nach
lassenn / das eyne yeder / das erste quartall / seyne
auffgenommene czeche / des quatember gelds

freyhe haben solle / aber nach außgange des erste
quatembers / soll er das quatember gelt / wie
itzo beschicht / czugeben schuldig seyn.

Etzum funfften / Nach dem des schmeltzens
halbenn / clage ann vns gewachssenn / als solt den
gewercken meher gelieben / das einem yden / wu
es yme geliebette / czu schmeltzen vorstadt wer
den mochte / haben wir solchs auch hynfur gene
diglich nachgelassen. Doch also vnd der gestalt /
das die huttenherren / ader hutten schreyber / die
schichtmeyster / ader hutten geste / durch lipnus /
nicht czu sich czyhen sollen . auch das man in ey
ner yeden hutten / mit rechnung vnd bezalunge /
die ordnung halde / so yn vnsern hutten gehalten
wurdet. Vnnd das dye hutten schreyber / szo ytzo
seynn / ader kunfftiglich angenohmen / vns / den
gewercken / vnnd den huttenherren / getrawlich
vorzustehen / durch vnsern amptman voreydet /
werdenn. So soll man auch / denn gewercken
schmeltzen / vnd es begeren werdenn / eyn kubell
Kohn fur siebenczwentzig pfennig vormessen /
vnnd die huttenherren / sollenn den gewercken
den lechste czu dem gestobe geben / vnd was von
den gemessen Kohn vor lesthe wirdet / soll den hut
tenherren / wyder czu guthe komen. Es soll auch
Keyn wercksilber / anders dan in vnsern hutten ge
kaufft werdenn.

Zum sechsten/als wir vorschynner czeyt/ ge/ ordent/das die czechen/so nicht vorrecest/in vnser freyhes gefallen seyn soltenn/vnnd wir befin/ den / das in dem selbigen vil betrieglichkeyt ges braucht wirdet/wollenn wir denselbigenn artic/ kel hirmit auffgehoben. vnd orden das hynfur/so ein schichtmeyster /seyne czeche / nicht vorrecest/ ader das quatember gelt douon bezalt/Sall er ane alle gnade/vmb czechen gulden Reinsch / die selbigen als balde czuentrichen gebust/ ader vierz czechen tage/ in der Lymnitz gefenglich enthal/ den werden.


Zum siebenden/sollen bergkmeister vnd ge schworen/hynfur/kein gedinge / auff den halden machen/sundern czuuozi n faren/vnd den stein be hawen/do mit sie sich im gedinge/darnach czu ri/ chten habē. Welcher es ader anders thun/vñ dis vnser gebot vbergehen wurde / den wollenn wir an leybe vnd guette dermassen straffenn/damit er czubefindē/das wir solchs von ime / nicht haben wollenn.

Zum achten/sollen die vorleger/hynfur/mit fursten muntze/vnnd keyner war/eyszenn/tuche/ vnslat/ader wie die heysen mochte/auch keyner vorboten muntze lonen. Es sollē auch die schicht/ meister steyger vnd lobter/nicht anders/dan vn/ szere muntze czu lone annemen/vnnd wu es einer anders halden/vnd diese vnser ordnung vberge/ henn wurde / wollenn wir den vorleger darumb


ernstlich straffen. Der schichtmeister vnd steyger.
so anders dan vnser muntze genomen / sollen ab/
geleget / vñ nicht meher czu steygern / nach schicht
meistern gebraucht werden. Des gleichen sal der
erbeter / so ers nympt / auch abgeleget werden.


Ezum neunden / als wir vormals gebothen
vnd öffentlich haben anschlagen lassenn / das die
schichtmeister yre register / aus dem kegenn buche
nemen / vnd czur rechnung bringen sollen / wollen
wir / das solchs auch hinfur / vnuorbruchlich sol/
le gehalten werden. Vnd das die schichtmeister
des vom kegenschreyber / eyne bekenntnis czedel
bringen sollenn / vnd das die ihenigen / so vorigs
vnser geboth / der wegen außgegangen vbertrettē.
Auch die / so dis geboth vbergehenn / in die **L**ym
nitz sollen gesetzt / vnd nicht anders heraus gelaß
sen werden. Sie haben dan vorburget / vnd ges
nugksam vorsichert / das sie vns / vmb solche vber
tretung / abtrag pflegen wollē. **E**zu verkundt mit
vnserm vndenn auff gedrucktem Secret besigelt /
vnd geben auff sant Annabergk **D**instags nach
Exaltationis sancte **C**rucis. Anno domini **zē**.
funffzehenhundert .**xix**.

Ezu **L**eyptz gedruckt **M**elchior **L**otter.









Kg 6506


ULB Halle
005 607 388

3



nc







Bergkordnung

mit etzlichen vil neuen artic-
keln. welche die alden czum
teyle auff heben vñ czum teyle
deuten vnd ercleren.

Cum privilegio ut sequit.

